

KEKIŠO YA BOKRISTE

 Ke a go leboga. Ke a go leboga, Ngwanešu Vayle. Ka mehla go a tsebja gore ke monyetla go dula ka mafelong a Magodimong ka go Kriste Jesu le batho ba Gagwe. Gomme lehono ke bile le monyetla wo mobotse wa go etela kereke ya Ngwanešu modiša wa rena, le nako ya go makatša ya kopanelo re bilego le yona mmogo, ge re be re sa dutše ka lefelong la Legodimong kerekeng ya Baptist mosong wo.

² Gomme ka gona le la—la llantše le Ngk. Wierwille (ke no se kgone go lokiša seo.), le banababo, le ba bangwe gape, nga—nga ngaka, ngaka ya meno, le sehlopha tsoko seo re bilego le llantše mmogo feela dinakwana di se kae tša go feta. Gomme le ka kgonthe e bile letšatši la lethabo, gomme ke tshepetše go Modimo gore go tla tšwelapele go ba ka tsela yeo go kgabola letšatši go bohole ba rena, bjalo ka ge re kopane mmogo gape ka go Kriste, go no dula ka mafelong a Magodimong le Yena.

³ Gomme go wele monyetla wa ka go—go bolela le lena gape morago ga sekgalela se. Feel a makgwakgwa gannyane, ka baka la, gabotse, ke bile feela le mokgohlwane wo monnyane go tla godimo le wona, gomme ke... E no ba mohuta wo mothata go madi a rena a borwa, le a tseba. Ke mohuta wa go tonya godimo mo le go tonya gannyane go feta ka mo go lego gae; gomme ka gona go sepela go dikologa kudu.

⁴ Beke e tee, bjale, beke... Ka go e ka ba beke ye nngwe goba matšatši a lesome, Morena ge a rata, ke tla ba ka Phoenix, Arizona, moo digotlane tšohle di sego tša rwala selo maotong, di kitimago go dikologa, morago godimo ka California, gomme morago godimo Lebopong la Bodikela gape moo go gatselago gape. Gomme yeo ke tsela ditirelo tša boebangedi di yago, goba, bophelo bo yago, a ke re, bakeng sa moebangedi. Eupša ke monyetla wo mobjalo go direla Morena. Ke thabile bjang.

⁵ Gomme ke, go bonala o ka re yo mongwe o tla re, “Ngwanešu Branham, ke a thank a bophelo bjohle bja gago ke bophelo bja phenyo.” Oo, o no se e tsebe yohle. Oo, ke—ke bophelo bja phenyo, boka o e tseba go ba ka go Kriste. Oo, a monyetla o lego go nna go tseba gore O ntira ke bolele le bana ba Gagwe le ka fao re tlago go tla mmogo le go bolela, go apa, le go rapela. Seo se a makatša. Eupša go na le dilo tše di yago le yona; go bothata kudu, bjalo ka go tlögela lapa bakeng sa selo se tee. Ke na le lapa la go ratega le mošemaneyo monnyane yoo ge...

⁶ Ke nyetše gabedi. Mosadimogatša wa ka wa pele o hlokofetše ge... mosetsana wa ka yo monnyane o be a no ba bogolo bja dikgwedi tše seswai, gomme Billy yo monnyane o be a no ba bogolo bja dikgwedi tše lesomeseswai. O be a le masomapedi

pedi, ke a nagana, gomme ke be ke le e ka ba masomepedi tshela. Gomme ke—ke mo lobile, gomme o... Ke—ke—ke kgopela tshwarelo ya lena ke be ke sa re go bolela ka tsela yeo. Ga se ka tsoge ka mo loba. O nno ya lebatong la ka godimo, gomme... yena le lesea mmogo. Gomme ke bile le Billy lebaka la mengwaga, gomme morago ge a ile sekolong, Morena o mphile mosadimogatša yo monnyane wa go ratega, gomme re nyālāne mengwaga ye mene le mosetsana yo monnyane, Rebekah, a tla mmogo.

⁷ Mengwaga ye mene gape, nakong yeo, ke be ke le ka Minneapolis gatee ka kopanong, moo ke yago bakeng sa kopano ya ka ya go latela; morago ga fa ke ya Evansville morago ka Minneapolis, morago ka Phoenix, morago ga go ema go gonnnyane ka Louisiana. Kafao gona, ke be ke le godimo fale, gomme ke be ke tše bophelo bja Josefa, ke no bala bophelo bja gagwe. Gomme le a tseba, Abraham, ke rerile ka yona mosong wo, Abraham o be a le kgetho. Gomme Abraham o tswetše Isaka, e lego tokafatšo. Isaka o tswetše Jakobo, e lego mogau. Gomme Jakobo o tswetše Josefa, e lego phethagalo, ga go selo se tee kgahlanong le Josefa. Gomme ke bone bophelo bja gagwe bjo bogolo, gomme ke rile, “O, Modimo ge...”

⁸ Gomme ke—ke no ba mohuta wa motho wa monagano wo bonolo, bjalo ka ge le šetše le tseba. Gomme ke ile ka sekhutlwāneng se sennyane, gobane, gabotse, gomme Modimo o tla kwa thapelo ya gago e ka ba kae, eupša O rile, “Tsenang ka sekhutlwāneng sa sephiri,” le gona. Gomme oo, ke a thankā go no ba go lekanelā ka nna moo ke sego ka gola gabotse le bjale ka go mengwaga yohle ye ye masomennešupa, kafao ke nno ya ka sekhutlwāneng le go goga lebati mmogo. Gomme ke be ke no lla bakeng sa lethabo.

⁹ “Oo,” ke rile, “ke tla thaba kudu letšatši le lengwe ge ke tshelela mošola go kopana le Josefa le go šikinya seatla sa gagwe; go bona Daniele le go mmotšiša ka fao a ikwetšego ge dītāu tšela di mo kitimetše, gomme Pilara yela ya Mollo ya Seetša e eme fale le go swara dītāu tšela go tloga bošego bjohle botelele; go bona bana ba Bahebère, ka fao ba tšwelego ka leubeng la mollo le phefo ya Pentecostal go ba dikologa, e rarela go dikologa, e bea moyā wo botšidididi go tloga.” Ka re, “A nako ya go makatša.” Gomme ke rile, “O, Modimo, ge O ka tsoge wa mphā ngwana, ke tla bitša leina la gagwe Joseph (mošemane).” Gomme Billy o be a le mošemane wa go gola gabotse nako yeo. Gomme ka gona, le a tseba, ge ke lebeletše pele, ke tsene ka go, gabotse, ga ke tsebe ke e bitše eng, nka se kgone go hhalosa seo, ga ke nyake... Ke: o ka se kgone go hhalosa Modimo; Modimo o ka godimo ga go hhalosa.

¹⁰ Ge go ka ba yo mongwe fa yo a ka ratago go e batamela ka go se ke se bitšago “sekgaō sa saense”: Godimo ka sekgaong se sengwe, o felotsoko gape, e no ba kgonthe bjalo ka ge se se le,

eupša o no ba felotsoko gape, gomme o a lemoga o fao, eupša o a tseba segalontšu sa gago se mo, eupša o fao. Le a bona? Go e hhalosa? Nka se kgone. Eupša Sengwe se rile, “O ya go ba le morwa, gomme o tla bitša leina la gagwe Joseph.”

Oo nna, thwi go tšwa kopanong, “Ke ya go ba le mošemane a bitšwago Joseph.”

¹¹ Gabotse, ka morago ga lebakana re tsebile gore re be re eya go ba le lesea. Yo mongwe le yo mongwe o rile... Gomme mosadimogatša wa ka, batho ba gabu le bohole ba bona ba swanetše go belega ka karo. Gomme kafao ngaka o rile, morago ga ge Rebeka a tswetšwe, o rile, “Seo se swanetše go e ruma, ka lebaka la maemo a mangwe, gore ga a swanelia go tsoge a ba le bana gape.”

“Gabotse,” ke rile, “Morena wa go loka o tseba tšohle ka ga seo.”

Gomme—gomme kafao gona re—re tsebile re be re eya go ba le lesea, kafao re maketše ge eba... Ba bangwe ba bona ba rile, “A yoo ke Joseph?”

Ke rile, “Ga ke tsebe,” ke rile, “eupša re ya go ba le Joseph, kafao,” ke rile, “Ke mohuta wa go dumela ke yona.”

Gomme ge le tswetšwe, le be le le mosetsana. Oo, o bolela ka go nkgobola. Mogohle, ke swere mangwalo, a rile, “Ke naganne dipono tša gago ga di aketše.”

“Ga di ke tša aketše.” Ke rile, “Joseph o etla.”

¹² Gomme kafao ge ngaka a lokolotše mosetsana yo monnyane, o rile, “Oo, Mna. Branham,” o rile, “yo mosesse kudu,” o rile, “re swanetše go dira se sengwe ka ga se,” o rile, “gore ba...ga go sa na bana ba ka tlago.”

Ke rile, “Oo, aowa, Joseph o etla.” Gomme kafao, go emeng fale...

Ka gona morago ga lebakana, ge, ba ile pele, mengwaga ye mene ya feta. Ba bangwe ba bona ba tšwelapele ba re, “Gabotse, yeo ke nako e tee e šitilwego.”

Ke rile, “Aowa. Le a elelwa, ga se nke ka re yoo e be e le Joseph. Ke rile, ‘Joseph o etla.’”

¹³ Kafao ka morago ga lebakana re tsebile re be re eya go ba le lesea le lengwe, ka morago ga e ka ba mengwaga ye mene gape, go ya go ba le lesea le lengwe. Gabotse, ke rile, “Gabotse, ke a holofela yo ke Joseph.”

Kafao gona ka morago ga nakwana, gabaneng bona, bohole ba bona, ba rile, “A yo ke Joseph?”

Ke rile, “Ga ke tsebe. Eupša Joseph o etla.”

¹⁴ Kafao ge re fihla thwi tlase, feela matšatši a se makae, ka Pelegišokaro, gomme, gabotse, dilo tšeо nka se kgonego go di bolela pele ga batheeletši ba go tswakana, eupša ba swanetše go

ya ka gare, go, bakeng sa karo ya bona, pelepele ga nako. Gomme go bile le mohumagadi tsoko yoo a dulago ka toropongkgolo, yoo selo sa go šokiša se hlakahlakanego gohle, gore o naganne gore o swanetše go ba moetapele wa semoya wa bophelo bja ka, le go mpotša mo ke swanetšego go ya, le se ke swanetšego go se dira. Ke nno e gana, serokaphatla, le a bona, gobane, Moya wo Mokgethwa o dira seo.

¹⁵ Gomme kafao, o be a fetiša dikarata, gomme o rile, “Bjale, fa ke ge Billy yola a eya go hwetša *ya gagwe*,” o rile, “Modimo o ya go tloša Meda go yena bjale.” Gomme ba bile le yona e ngwadilwe ntle yohle le go e bea go kgabaganya naga, le a tseba. Gomme mosadimogatša wa ka, a tšhogile golebjalo, oo, moisa yo monnyane wa go šokiša o be a no ba kgauswi le go hwa.

Gomme a tla, a re, “Oo, Bill, a o kwele seo?”

Gomme ke rile, “Oo, seo ga se dire phapano e ka ba efe. Modimo o rile re be re eya go ba le lesea, gomme seo se a e ruma.” Kafao re . . .

¹⁶ Gomme ke ile ka swanelia go nagana, le a tseba, gomme yena a tapile kudu, ke nno ya lefelong; ke na le lefelo la sephiri (Le kwele ka lona.), moragorago moo ke yago ka gare ga lewa, le go gogela morago; FBI e ka se kgone go nkhwetša. Kafao ke—ke ya morago ka fale. Ke be ke le morago fale ke rapela, gomme Morena o nthometše ntle pele ga . . . ge A bolela le nna . . . go na le kota ya kgale e robetše thwi go kgabaganya; tsela ka dithabeng mo ke bego ke tlwaetše go thea ge ke be ke le mošemane. Gomme ka kua O—O ntirile ke tsebe go lesa nthatana ya go tshwenyega.

¹⁷ Gomme ge ke ile gae, ke gogetše tlase ga Ngwanešu Wood (monna yo a lego fa le nna, le kgaetšedi), ke bone moisa yo monnyane wa go šokiša a etla ntle ka morago ga jarata, sefahlego sa gagwe se sennyane se be se lebega bopududu, gomme o be a eya go kgothola leraga tsoko ntle ka mo—mo motomong wa tšhila. Gomme ke sepeletše godimo go yena. O be a lla. O rile, “Oo, Billy,” o rile, “Margie ebile ga a kgone go ntlhokomela.” Yoo ke mooki, mooki wa Mayo yo a fodišitšwego ka kopanong ya ka, a imelago diponto tše masometharo tlhano, ka kankere, taba ya mathomo. Gomme o go kliniki ya kankere ka Louisville, o be a hwile e ka ba mengwaga ye lesome; o a oka ntle ka sepetele.

Kafao, o rile, “Margie o go tšhoganetšo, a ka se kgone go ntšeela ka gare.” O rile . . . O mo rata kudu.

¹⁸ Ke rile, “Lebelela, Hani, re rata Kgaetšedi Margie, eupša ga se ra itshama ka Kgaetšedi Margie; re itshamile ka Morena Jesu. O a bona?” Ke rile, “Re rata Kgaetšedi Margie.” Gomme ke rile, “Ke nyaka o be wa tlhohleletšo ye botse.”

O rile, “Gobaneng?”

Ke rile, “O tseba moo ke bilego?”

O rile, “Ke na le kgopolon.”

Ke rile, “Ke na le O RIALO MORENA.” Um-hum. Seo se e rarolotše, le a bona, thwi fao.

¹⁹ Gomme mosong wo o latelago yo monnyane a tswalwa. Gomme ge mooki a tlide fase, bohole re be re le sehlopha sa botate, le a tseba, ka fao ba sepelago tapeiti go tšwela ka ntle, le a tseba, kafao, ke be ke le thwi mmogo le bona. Mooki o tlide tlase, o rile, “Moruti Branham?”

Gomme ke rile, “Ee, meme.”

O rile, “Ke go bontsha yo mokaone, wa diponto tše šupago, mošemane wa ontshe tše tharo.”

Ke rile, “Joseph, o bile nako ye telele go fihla fa. Eupša ka kgonthe ke thakgetše o fa.”

O rile, “Gobaneng o mmitša Josefa?”

Ke rile, “Ke yo a lego.”

²⁰ Go bothata kudu go mo tlogela, ge a no thoma go tseba mokgwa wa go sepela tikologong, a goelela, “Kae Papa?” Eupša ke monyetla wo mobjalo go e direla Morena Jesu. Gomme ke a le tseba lena banna, ba bantsi ba lena mo, ka tsela ya go swana, le na le dilo. Eupša le lengwe la matšatši a a letago, “ge ke botega go Mophološi wa ka, go seatla sa Gagwe sa go hlahlala ke tla gomarela, O tla re hlahlala go tshela noka.” Seo ke kgwekgwe ya selo.

²¹ Bjale, o tla swanelo go—o tla swanelo go tšwela ntle ka pela gannyane gore o kgone go ya gae, le go ba le lantše, le go bowa morago. Gomme ba tla be ba efa dikarata tša thapelo bakeng sa bošegong bjo. Gomme o naganne bjang ka bošego bja go feta? A o ratile seo bokaonana? Gona, seo se lokile.

²² Ke be ke leboga kudu bakeng sa bošego bja go feta, lekga la mathomo ke bilego le yeo ge e sa le ke... lebaka la mengwaga le mengwaga. Ke ba bakae ba ba tsenetšego dikopano tša ka mafelong a mangwe? Feela... Le a tseba, yeo ke therešo. Gomme ke...

²³ Se se be se ka se direge go ba yo ke naganago gore ke yena, a ke yena? Jim O’Neal, thwi? Oo, nna, a Jimmy o mo? Huh-uh. Mo... Monna yo, Ngwanešu Green, mokgonyana wa gagwe ke gobaneng ke kgona go otleta Ford, wa gagwe... mokgonyana wa gago. Gomme ke nno makala ge eba Jimmy o be a le fa, mošemane yo mokaone wa Mobaptist, gomme ka kgonthe ke a mo rata.

²⁴ Gomme re—re leka go tšwela ntle ka pela gannyane, gore ba—ba bašemane ba kgone go tla morago le go fa dikarata tša thapelo bakeng sa morago ga sekgalela se. Gomme re letetše tšhologelontle ye kgolo ya tšhegofatšo ya Gagwe, bjalo ka bošego bja go feta.

²⁵ Ke eme fa bošegong bja go feta, ge ke bile le mothalo wa mehleng, ntle le wo mongwe (Le a bona?), gomme ke ikwetše, ge

ke bea diatla tša ka godimo, godimo, dikutu tšela le mahuto le dilo. O no ikwela se sengwe se direga seatleng sa gago, lebelela kgole, gomme se be se se gona. Seo—seo se go dira o ikwele o thabile. Ke a go botša; ka kgonthe se a dira; se ntira ke ikwele go ya morago le go ba le ditirelo tša phodišo.

²⁶ Ka kua ka go... Beibele ye ya kgale ya go šegofala, e lego Puku mohlahli go ya Bophelong, bja Gosafelego; gomme ka go Hesekiele tema ya 36, gomme re ya go bala mo... feelsa mothalo go tšwa go—go tema ya 36, temana ya 27. Gomme bakeng sa sehlogo, ke nyaka go šomiša, morago ga sekalela se, *Kekišo Ya Bokriste*. Gomme a nke Morena a oketše ditšhegofatšo tša Gagwe go Lentšu la Gagwe ge re le bala.

*Gomme Ke tla bea moywa ka ka go lena, . . . gomme
le tla boloka dikahlolo tša ka, le go di dira.*

²⁷ Bjale, Hesekiele o be a le moprofeta, gomme moprofeta ka Beibeleng o be a tšewa go ba ntšu. Bjale, ntšu ke nonyana ye maatla, gomme e kgora go fofela godimodimo kudu go feta nonyana e ka ba efe ye nngwe, gobane modirelo wa gagwe—wa gagwe o fapana go tloga go nonyana ye nngwe. A ka kgora go emela bo—bo bogodimo bja godimo, gomme o ya godimodimo ka moyeng. Gomme Modimo o swantšha moprofeta wa Gagwe le dintšhu. Ba be ba nno dirwa ka tsela yeo. Ba tla tsoga ka Moya le go ya godimodimo, gomme ba kgonne go bona dilo tša kgole di etla. Ka gora ge ba etla tlase, ba kgonne go bolela se se bego se eya go direga.

²⁸ Gomme Hesekiele e be e le yo mongwe wa dintšhu tša Modimo, yo a bego a kgora go fofela godimodimo le go bona makgolo le makgolo le... a mengwaga go tla. Le a tseba, go swana le ge o eya bogodingwana o kgora go bona bo—bo bokgojana. Gomme kafao n—n ntšhu e ne le—le leihlo la kgonthe la tsitsinkelo go ya le bogodimo bjola; gobane ge a ka be a se ne bontši bja leihlo, go ka se mo dire botse e ka ba bofe go ya godimo, o be a ka se kgone go bona kgole kudu. Eupša leihlo la ntšhu le kaonana kudu go feta sepekwa ka nako efe kapa efe. O kgora go bona go feta sepekwa, a mo feta ka go fofa ka tsela efe kapa efe a nyakago. Gomme o godimodimo go feta sepekwa.

²⁹ Gomme ke ithutile bophelo bja tša lešoka le—le dinonyana. Gomme nako ye nngwe ke be ke le ka Cincinnati, tlase fa, ka go serapa sa diphoofolo se segolo. Bontši bja lena le bile fale. Gomme ba be ba sa tšo hwetša ntšhu, gomme ba e lahlela ka serobeng. Gomme nonyana yela ya go šokiša, ka nnete ke mo kwetše bohloko. O be a tla taboga kgahlanong le mapheko ao le se sengwe le se sengwe a bego a na le sona. O hlohlora mafofa go tloga hlogong ya gagwe, mafofa a lefego go tloga diphegong tša gagwe. O tla pokapokela ka go yona ka mokgwa *woo*, a leka go fofela ntle. Gomme o bethile mapheko le go wela

morago; o robetše kua ka mokokotlo wa gagwe. Wona mahlo a tla puruputša go kgabaganya lefaufau.

³⁰ Gomme ke naganne, “Oo, a selo sa go šokiša nonyana yela ya go šokiša e lego. Gobane o be a agilwe, a dirilwe go ba nonyana ya go fofa legodimong. Gomme mo o be a tantšwe, bakeng sa bophelo bjohle bja gagwe, ka serobeng se sennyane.” Gomme go tseba gore o kgonne go lebelela le go bona dilo tseo... le mafelo moo a bego a hlologetše go ba, eupša ga se a kgona go tšwela ka ntle ga seroba se.

Ke naganne, “A motho wa go šokiša, goba, nonyana a swanetšego go ba.” Ke naganne, “Yeo e ka ba ye nngwe ya diponagalo tša manyaminyami kudu nkilego ka di bona.”

³¹ Eupša ka gona, ge ke retologa go dikologa, ke bone ponagalo ya manyaminyami. Gomme yeo ke, barwa ba Adama, ba ba dirilwego go ba barwa ba Modimo, ba itiaganya mabjoko a bona ntle, ba leka go hwetša maipshino go kgotsofatša ka bophelong bjo, le go tseba gore ba tswetšwe go ba barwa ba Modimo yo a phelago; gomme gabonolo ba no itiaganya bonabeng go ya lehung, ba kitima *fa* le go kitima *fale*, le go thunyana seng sa bona, ba kempola, le go utswa, le go hlakolana seng, mola ka kgontha ba tswetšwe go ba barwa ba Modimo. Yeo ke ponagalo ya manyaminyami nkilego ka e bona, ke banna ba ba golegilwego ke sebe.

³² Eupša go ne selo se tee ka yona. Go ka ba selo se sebjalo bjalo ka motho tsoko wa pelo ya go loka a bulela ntšhu yela go tšwa *fale*. Gomme ke thabile kudu go re go barwa ba Adama, morago ga sekgalela se, gore go bile Motho wa pelo ya go loka a tlago go barwa ba Adama: Morena Jesu, Yo a tla dumelelago yo mongwe le yo mongwe go lokologa yo a nyakago go ya. Go tšwa go wena.

³³ Bjale, re hwetša batho ba bantši kudu ba leka go ekiša Bokriste. Bokriste ke...ga go re go tšoena kereke. Bokriste ke boitemogelo. Yo mongwe o rile go nna...gabotse, e be e le ka Little Rock, Arkansas. Re be re le ka Robinson Memorial Auditorium, gomme batho ba be ba kgobokane le go tlala ka mekgotheng, gomme Morena o be a efa tsošeletšo ye kgolo.

³⁴ Gomme go bile le ngwanešu yo a bego a le Monazarene, o be a le sefaleng, gomme o be a tla rekiša diphensele mokgotheng. Gomme o be a na le dikota tše a sepetšego ka tšona, lebaka la mengwaga. O be a tla ema godimo ga dikota tše ka kefa ya gagwe ntle le go ba le diphensele go di rekiša, mokgopedi. Gomme ge Morena ka go peakanyo Kgethwa ya Gagwe, bohlale, le mogau go motho, o bontšhitše pono, o mmoditše ka ga se se sengwe se diregilego, gomme monna o ile a fola semetseng. Gomme letšatši la go latela o bile le leswao le legolo godimo ga dikota tšela a sepela go theoga mokgotha, ka mokgwa *wo*, a e rwele go dikologa, go bontšha yo mongwe le yo mongwe. “Bagwera ba ba

kgale ba be ba fela ba nthekegga. Bjale, ke ithekgile ka matsogo a neng le neng (Gomme o be a . . .) a Morena Jesu.”

³⁵ Gomme o be a le mafolofolo kudu. Gomme ge a etla morago go tirelo bošegong bjoo, o be a dutše godimo lebatong la ka godimo, se sengwe boka seo. Gomme bokaonekaone ke bo elelwago, e na le tše pedi goba mohlomongwe—mohlomongwe a mabedi goba a mararo maphagamo. Gomme go le bjalo, ke be ke no thoma go bolela bjalo ka bjale, gomme o be a nno rwalelwa kgole kudu, ngwanešu wa go šokiša wa kgale, go fihla a phagamela godimo, o rile, “Ngwanešu Branham, ke nyaka go go botšiša se sengwe.”

Ke rile, “Ee, ngwanešu.”

³⁶ O rile, “Ke go kwele o rera, gomme ke nno tseba o be o le Monazarene.” Gomme o rile, “Morago ke go kwa . . . yo mongwe gape a bolela gore o be o le Mobaptist.” Gomme o rile, “Morago ke bona bohole go go dikologa ke Mapentecostal.” O rile, “O eng, Ngwanešu Branham?”

Ke rile, “Seo se bonolo. Ke nna Mopentecostal Monazarene Mobaptist.” Kafao seo e no ba tlwa . . .

³⁷ Bokriste ke bophelo. Pentecost, e—e . . . Ke a tseba ba e kgatlofaditše, lentšu *pentecost*, gomme ba nno itšeela monyetla ka leina. Eupša Pentecost ke boitemogelo, e sego kerekeleina. Pentecost ke ya Mabaptist, Presbyterian, Lutheran, Nazarene, yohle ya yona. Pentecost ke boitemogelo.

Gomme go bonala eke batho ba bangwe ba ne nako ye thata bjalo go leka go phela bophelo bja Bokriste, ge ka kgonthe, ga se seo, ke . . .

³⁸ Yo mongwe o rile, ge ke etšwa ka go teko ya ka ye kgolo nako yeo, morago ga ge ke lahlegetše ke mosadimogatša, lesea, le se sengwe le se sengwe, o rile, “Ngwanešu Branham, a o bolokile bodumedi bja gago lebakeng la nako yeo?”

³⁹ Ke rile, “Aowa, mohlomphegi, bo mpolokile lebakeng la nako yeo.” Kafao seo ke se bo lego bakeng sa sona. Nka se kgone go boloka Kriste; O a mpoloka. Ga se ge eba ke swareletše; ke ge eba O swareletše. Gomme ke mpho go mna.

⁴⁰ Gomme ka gona ge, go lemogeng gore batho ba ne nako ye thata ye, go swanetše go ba se sengwe sa phošo felotsoko. Bjale, ge bodumedi bja Bokriste bo dirwa feela ka pego ya thutotumelo, kerekeleina, goba bohlale, gona ga re hloke selo eupša sa kgonthe se sebotse, sehlopha sa batho ba ditswerere. Seo ke sohle re se hlokago, ge kereke e swanetše go bušwa ke bohlale.

⁴¹ Bjale, bohlale bo lokile. O ka kgona go amogela Lentšu ka bohlale, eupša wa Le dira le nwelele fase go kgabola go ya pelong. Fao ke mo go—go thomago go buna dipoelo.

⁴² Bjale, eupša ge Modimo a be a e ra go rena go sepediša kereke ya Gagwe ka kerekeleina goba ka thutotumelo, gona selo se nnoši

re se hlokago ke bohlale bja motho: monna wa setswerere kudu, go kaonafatša kereke. Eupša leo e be e se lenaneo la Modimo. Lenaneo la Modimo e be e le la Moya wo Mokgethwa go sepediša kereke. Moya wo Mokgethwa o filwe bakeng sa kereke. Gomme re ka se be le mafapa a mabedi a sepediša kereke ka nako ya go swana. Ge motho a e sepediša, Moya wo Mokgethwa o a tšwa. Ge Moya wo Mokgethwa o e sepediša, ka mehla monna o a tšwa. Kafao e no ba e tee goba ye nngwe.

⁴³ Kafao, re swanetše go tla go mafetšo a, gore, Modimo o beetše Moya wo Mokgethwa go sepediša kereke. Bjale, ga ke re feela Moya o a emelela le go rera, gobane Moya wo Mokgethwa o bea batho ka kerekeng bakeng sa selo se rilego; eupša ke ra, ge feela bohlale e le sohle e se hlokago.

⁴⁴ Hlokamelang, bjale fa, Hesekiele a bolela, o boletše ka fao gore O tla bea pelo ye mpsha (tema ya go swana), go tloša ya kgale, pelo ya letlapa, gomme O tla go fa moyo wo moswa. Gomme morago O tla bea Moya wa Gagwe ka go wena.

⁴⁵ Bjale, pelo ye mpsha ga e re go kobolla ya kgale. Ga e re gore kereke e hloka go kobollwa. Go ra gore kereke e hloka tswalo. Kereke ya Modimo ga e hloke go pholetšhwa; e hloka tshokologo. Yeo ke nnente. Ka gona go no tšeа kereke ya kgale le go bea, wa re, “Gabotse, ke a go botša, re tla fetola poto ya matikone. Re tla fetola badiša.”

Seo ga se se kereke e se hlokago. E hloka kolobetšo ya Moya wo Mokgethwa. E hloka maatla a Modimo yo a phelago.

Tsošeletšo ga e re go ya ntle le go hwetša maloko a maswa, *tsošeletšo* e ra, “go tsošeletša seo o šetšego o na le sona.”

⁴⁶ Fa e se kgale botelele, boitemogelo bja go makatša bjalo ke bilego le bjona bja seo ka Chicago. Ke be ke eme ntle kgauswi le le legolo, Letsha la Michigan, gomme ke bone maphotho a setla ka moyeng, gomme lehulo le fofa, gomme oo, a nako ye le bego le na le yona, go tšokatšokiša dikepe tše nnyane. Gomme ge ke mo lebeletše, ka gopola, “O thabile ka eng? O na le tsošeletšo.” Eupša ka gopola, “O a tseba ke eng? O ka no ba o taboga le go tšwela pele ntle kua, eupša ga o na le lerotholodi le letee la meetse ka go wena, go feta ka fao o nago nao ge o homotše ka go phethagala. Yeo ke nnente; feela meetse a go swana, feela o no ba le tsošeletšo.”

⁴⁷ Bjale, tsošeletšo e tšeа eng? E tšeа phefo go tla, go ya go foka. Seo ke se kereke e se hlokago: ke ye nngwe ya Phefo yela e welego ka Letšatši la Pentecost, e swiela fase le go e tsošološa; e sego Mobaptist yo moswa, e sego Momethodist yo moswa, eupša tsošeletšo ka go Mabaptist le Mamethodist. Gomme go raga fale ga meetse go dira eng ntle fale? Ke—ke ka morero. Go gogola ditlakala tšohle go tšwa meetseng godimo lešing. Seo ke se tsošeletšo e se dirago, mohuta wa go itia diphapano tšohle go tšwa go rena, ge re dumelela Moya wo Mokgethwa go dira go

betha. Gomme morago go dira phapano kudu, go le hlwekiša, go hlwekiša meetse, nako yeo.

⁴⁸ Bjale, o ka se kgone go no ba le nako ya go pholetšha ka kerekeng bjalo ka tsošeletšo. Gomme ke a tshepa gore ka morago ga kopano ye, gore go tla ba le ditsošeletšo mogohle go kgabola toropokgolo ye; ke a dira, le naga yohle. Ke a nagana ke nako ya tsošeletšo. Gomme tsošeletšo ye kgolo ye re bolelago ka yona e swanetše go tšwa Legodimong. E ka se kgone go tla ka motho. E be e se ya tswalwa ke motho. E tswetšwe ke Modimo, gomme e swanetše go tšwa go Modimo. Gomme o ka se kgone go bea tsošeletšo ye ka go thutamodimo ya kgale le go e hlakanya. Jesu o boletše seo ka go Mokgethwia Luka: “O ka se kgone go bea beine ye mpsha ka mabotlelong a kgale.”

⁴⁹ Ka mehla ke be ke makala gore ka baka la eng setatamente seo se dirwa, ka baka la eng o sa kgone go bea beine ye mpsha ka mabotlelong a kgale? Ke tlile go hwetša gore... Ke rile, “Theetšang mo, re na le jeke ya galase, goba lebotlelo, gabaneng ke sa kgone go bea beine ye mpsha ka kua go swana le ge ke kgonne beine ya kgale ka go lona.”

⁵⁰ Eupša ke hwetša gore morago ka matšatšing a ge Jesu a be a bolela ka ona, mabotlelo a be a se a dirwa ka galase. Ba be ba se ne dibutšwetša galase ka matšatšing ale. Gomme a be a dirilwe go tšwa go lettlalo la phoofolo. Gomme lettlalo la phoofolo le be le šogilwe gomme le be le rokagantšwe, goba, le tlemilwe, gomme ba beile be—be beine, meetse, diela ka go lebotlelo la lettlalo. Gomme ka gona ka morago ga ge lebotlelo leo le tšofetše kudu, go fihla le... go se beine ka go lona goba e ka ba eng, le omile. Oli ya lettlalo la phoofolo e le tlogetše. Gomme morago le bile boima le go thatafa.

⁵¹ Gomme ke bona se Jesu a bego a se ra, gona: ge o bea beine ye mpsha, beine ya go se bele, ka lebotlelong la go swana le leo, gomme beine ye mpsha yela e be e na le bophelo ka go yona, gomme e ile go šoma le go bela, e be e tla phatlola lebotlelo. Gomme yeo ke tsela ye o tšeago kolobetšo ya Moya wo Mokgethwia le go o bea ka go wa kgale, wa go oma, mokgopa wa female wa kgomo, o tla phatlola ka kgonthe bjalo ka lefase. O no se kgone go ba le yona ka mokgwa woo.

⁵² O leka go tšeа kolobetšo ya Moya wo Mokgethwia ka boitemogelo bja kgale bja bjo bongwe bjo botelele, boitemogelo bja go hlahlaišwa bja kereke, bo tla phatlola nnete bjalo ka lefase. “Eupša beine ye mpsha,” go boletše Jesu, “e ya ka mabotlelong a maswa.” Mabotlelo a maswa a sa na le makhura a phoofolo ka gare ga matlalo, gomme a fetoga le maemo. Yeo ke tsela ye kereke ya Modimo e swanetšego go ba bakeng sa tsošeletšo: go fetoga le maemo.

⁵³ Le a tseba, o ka kgona go bea Beine ye mpsha, ye e emelago Lentšu, wa bea Beine ye mpsha ka lebotlelong la kgale, gomme le

tla bala Lentšu, gomme Le re, “Jesu Kriste o a swana maabane, lehono, le go ya go ile.”

Lebotlelo la kgale le tla, “Phaa!” la phatloga: “Ga ke e dumele.”

“Kolobetšo ya Moya wo Mokgethwa e no ba kgontha lehono bjalo ka ge e kile ya ba”: “Phaa! Ga ke e dumele.”

⁵⁴ Gomme o dira eng? O sentše bobedi lebotlelo le beine. O lahlela dipheta pele ga dikolobe. Molaetša wa gago o sepetshe ka diripana, gomme ga go yo motee go o amogela, a nno phatloga gomme ba... seo ke sohle se lego go lona. Eupša o hwetsa mabotlelo a maswa gomme o bea Beine ye mpsha ya Moya wo Mokgethwa ka go ona, gomme Lentšu le re... Le šoma go phela ka pelong, gomme Le re, “Jesu Kriste, wa go swana maabane, le go ya go ile.” Beine e re, “Jesu o a swana maabane, lehono, le go ya go ile.”

Lebotlelo le leswa le rile, “Amene!” le a ngangologa.

⁵⁵ Le rile, “Jesu Kriste o gobaditswe ka baka la dikarogo tša rena, o tlpirigantswe ka baka la makgopo a rena, ka megogoma ya Gagwe re fodišitswe, go no swana maabane, lehono le go ya go ile.”

Lebotlelo le leswa le re, “Amene!” Le naba ka bophelo bjo boswa. Bobedi bja ona a bolokilwe le go bolokwa. Ka fao o ka se kgone go bea beine ye mpsha ka mabotlelong a kgale.

⁵⁶ Ka Letšatši la Pentecost, Modimo o be a na le lekgolo le masomepedi, a maswamaswa, mabotlelo a Pentecostal a dutše ka melala ya ona godimo. Gomme ge Moya wo Mokgethwa o wele go tšwa Legodimong, O tladirše mabotlelo ale, gomme a pampa gohle godimo ga lefelo, a rera Ebangedi go lefase le le tsebjago, go bega gore Jesu Kriste o be a swana maabane, lehono, le go ya go ile. E hlokomeleng.

⁵⁷ Fa nako ye nngwe ya go feta ke bile le boitemogelo. Ke be ke le godimo ka dithokgweng tša leboa, kgole British Columbia. Gomme ke bile le dikopano tsoko godimo fale magareng ga Maindia le batho ka nageng yela. Gomme yo mongwe wa banna ba ba tsebilego gore ke ratile go tsoma gabotse kudu, o rile, “Billy, o ka rata bjang go tšea leeto la go tsoma morago godimo ka dithabeng morago ga dikopano?”

Ke rile, “Ga se gona se sekaonana.”

⁵⁸ Kafao re bile le dipere tše masomepedi tee, gomme ra laiša, gomme re be re le dimaele tše makgolo a lesometee go tloga tseleng ya morotoga gomme e ka ba dimaele tše makgolopedi go tloga go kereiti, le dipere tše masomepedi tee, morago go tsoma dipudi tša thaba.

⁵⁹ Gomme ke elelwa letšatši le lengwe... Ke no rata tlhago; fao ke mo o hwetsago Modimo, ge o ka no ba o nnoši ka tlhagong, o ka kgona go Mmona. Gomme ke be ke lota mohlala wa bera ya kgale

ya tšhitšiboya. Ke be ke sa mo nyake, ka gore ke be ke se na le tšhelete, go lekanelo, go reka theke go mo tšeela ka ntle. Eupša ke be ke no nyaka go mo lebelela. Gomme ke mo lelekišitše go tloga thabeng go ya thabeng godimo ga pere ya ka ye nnyane. Gomme ke be ke na le bothata bjo bontši kudu ka pere ye nnyane ye; o be a no ba mengwaga ye meraro bogolo, gomme o be a ikemišeditše go nkwiša. Gomme kafao, o tla ema gatee mo lebakneng le go no bona ka fao a ka kgonago go dira bobogo bjo bo botse go tšwa go yona. Gomme kafao re be re tla ya go dikologa dithokgwa.

⁶⁰ Gomme ke be ke mo hloholeletša le godimo bokagodimo ga thaba. Gomme mafelelong, ka retologa go dikologa. Ke naganne, “Bjale, feelsa ke efe e lego bohlavela le bodikela bjale?” Kafao ke naganne, “Bjale, ema. Ga o nyake go retollwa go dikologa godimo fa.” Gobane o ka no ya bakeng sa ditsela tše telele ntle le go hwetša e ka ba eng. Gabotse, morei o ile ntle gatee ka ngwaga godimo ga aese ge a etla go theoga noka, e bitšwago Nōka ya East Pines.

⁶¹ Kafao nako yeo ke naganne, “Bjale, ke tsela efe ke tlilego?” Ke naganne, “Ge nka namela go ya thabeng ya godingwana . . .” Gomme e be e ena, kgudi ye nnyane ka moeding. Kafao ke naganne, “Mohlomongwe mogongwe nka kgona go hwetša tlhahlo ya ka.”

⁶² Tseleng go ya godimo, ke swere tsela ya ka, eupša ke bone ke ile ka swanela go retologa le go ya ka tsela ye nngwe. Ke be ke le thari kudu go tsena ka gare. Gomme ke naganne, “Morena . . .” Ke otlela go bapa fale godimo ga pere ya ka le go no tumiša Modimo bakeng sa go beng ke nnosi, ka gopola, “Oo, ke mo go botse go ba o nnoši ka sethokgweng.” Ke no e rata. Gomme ke . . .

⁶³ Madimo a be a fetile gomme ngwedi o be o tšwile ka morago ga ge letšatši le diketše. Gomme ngwedi o be o phadima gomme morago go be go le maru a mašweu, se ke se bitšago “mafaufau a potoromaswi,” feelsa boka makabakabana a magolo a maru a eya godimo. Gomme ge ke be ke otlela go bapa; ke eme. Se sengwe se nno bonala go ntlhohleletša go ema. Kafao ke eme le go tlema pere ya ka ye nnyane, gobane o be gabotse a etšwa lehulo. Gomme ke ile godimo ga kota le go dula fase.

⁶⁴ Gomme ke lebeletše godimo go leba mafaufaung, ke rile, “O Morena Jehofa, O yo mogolo kudu le go makatša kudu. Ke Go rata bjang.” Gomme ka thoma go kwa lešata le le sego la tlwaelega, la go tapa ka nnete. Gomme ke lešata la go bokolla, feelsa se sengwe seo se tla go dirago o ikwele mohuta wa, boka re ka bolela ka tlhagišo ya mokgotheng, mohuta wa go ba sepoko.

⁶⁵ Gomme ke lebeletše go dikologa, gomme ke be ke le kgauswi le mo go sweleko kgale. Ga ke tsebe ge eba le tseba se mo go sweleko kgale go lego goba aowa. Ke moo mello e kgabotšego mengwaga pele gomme ya tšuma sekgamathi sohle go tloga mehlareng, gomme e no ema fale. Gomme ge letšatši lela, goba,

ngwedi, a ke re, o etšwa go tšwa ka morago ga maru, gomme godimo ga dikota tšela tša go omelela, dikota tše tšhweu, di emego, mehlare, e be e lebega bjalo ka matlapa a lebitla. Gomme phefo e tšutla, ge maru a be a feta ka lebelo, e ile ya ntšha modumo wa go bokolela: “Oooo!”

⁶⁶ Ke naganne, “O Modimo, gobaneng O mpeile lefelong boka le? Le ke lefelo la go šiiša go ba fa.” Gomme ke lebeletše go dikologa, gomme gohle go tsetla le go tsetsela nkilego ka go kwa: go tswinya, motsetlo. Diphefo di a foka gomme yona mehlare e tsetla ka phefong, ka re, “Morena, ka mehla ke be ke tseba gore O be o phela ka sethokgweng, gomme gobaneng ke ile ka gogelwa go ema lefelong le? gobane le le lebega boka lefelo la go šiiša.”

⁶⁷ Gomme ge ke dutše fale, go bile le Lengwalo le tlile monaganong wa ka, gomme leo le be le le godimo ka go Joele. Le rile, “Se mogokong o se tlogetšego, phatakala e se jele; gomme se phatakala e se tlogetšego, tšie e jele.” Pele go theoga, dikhunkhwane tša go fapania di jele bophelo bjohle go tšwa mohlareng.

⁶⁸ Gomme ke naganne, “Ee, yeo ke nnete. Gomme šefa ke eme hleng le yona mehlare. E kile ya ba mehlare ye megolo yeo e emego fa. Gomme ge phefo e tšutla ka matšatšing a a fetilego, e ile ya tekumela morago le pele ka leemong la yona le legolo la segoši; e be e šikinyegile segoši ge diphefo di be di e fokela, eupša oo, bjale a phapano.” Se sengwe se be se diregile. Oo ya, e be e sa le mehlare. Yeo ke nnete. Eupša se sengwe se be se diregile. Mothaloo wa boreku, mothalo wa bophelo wa mohlare o be o tšhumilwe, o tlošitšwe.

⁶⁹ Gomme ke naganne, “Gabotse, se se ra go reng?” Gomme ka thoma go nagana, nako yeo, ka mafelo mo ke bego ke le gona, le batho ba ba Ke be ke kwele go ganetša le go bolela gore matšatši ohle a mehlolo a be a fetile. Gomme ke naganne, “Yeo ke nnete. Seo se no ba boka tše dingwe tša tše kgolo tše, dintlhora tša godimo tša dikereke tše di emago ka maina a magolo ka morago ga tšona, maina a histori, gore, ‘Nkile ra ba sagorelegore; re be re le sagorelegore.’” Eupša mothalo wa Bophelo o ripilwe.

⁷⁰ Dikerekemaina, go tloga nakong ya mpshafatšo ya pelepele le bathomi ba tšona, sete ye mpsha ya barutiši e tsene ka gare le go ripa Bophelo bjohle bja kgontha bja Moya wo Mokgethwa. Gomme di ile tša dirwa go tepoga ka phefo ye maatla ya go kitima boka e tlile ka Letšatši la Pentecost. Eupša bjale, ge Modimo kgafetšakgafetša a romela phefo ya Gagwe, gomme ba rorela fase, selo se nnoši di ka kgonago go se dira ke motsetlo: “Matšatši a mehlolo a fetile. Ga go selo se sebjalo bjalo ka kolobetšo ya Moya wo Mokgethwa. Dilo tšohle tše di fetile.”

⁷¹ A lefelo la sepoko le swanetšego go ba. Gomme ke naganne, “Oo aowa, ga go pelaelo e be e le mehlare; e bile le histori ka

morago ga yona bjalo ka mehlare; eupša bophelo bo be bo tlogile go yona.”

⁷² Gomme seo ke se e lego bothata ka Pentecostal ya rena, Presbyterian, Methodist, Baptist, Nazarene, Pilgrim Holiness: dikhunkhwane tša kerekeleina di jele Bophelo go tšwa go yona, gomme e no ba ye kgolo, ya kgale, nkokoma ya go hwa. Se re se hlokago ke go galagatšwa ga phefo ye maatla ya go kitima le mothalo wo moswa wa Bophelo go e amogela; nnete.

⁷³ Oo, le se nkwele thoko. Ga ke ahlole kereke goba mokgatlo; ke ahlola go hloka Kriste ka mafelong a. Gomme selo se nnoši seo se ba dirago go tsetsela le go tsetla ge Modimo a romela tsōseletšo ya Moya wo Mokgethwa lefaseng ke ka lebaka la tlhokego ya Bophelo bja go fetoga le seemo ka go bona go bo amogela. Moya wo Mokgethwa o wele ka Letšatši la Pentecost, bakeng sa mang le mang a tla dumelago o tla O amogela.

⁷⁴ Petro o rile, ka go Ditiro 2:38, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa tebalelo ya dibe tša lena, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le go bona ba ba lego kgole, le ba bantsi ba Morena Modimo wa rena a tlago go ba bitša.” Gomme ge Modimo a sa bitša, Moya wo Mokgethwa o sa wa. O swanetše go ba.

⁷⁵ Kafao ge ke dutše ka go makala, ke lebeletše, ke naganne, “Gabotse, ke eng e hlotšego se? Ke eng e hlohlorilego bophelo? Se Malutheran ba se tlogetšego, Methodist e se jele; se Methodist e se tlogetšego, Baptist e se jele; se Baptist e se tlogetšego, Manazarene ba se jele; se Manazarene ba se tlogetšego, Pentecostal e se jele.” Gomme ngwanešu, ga re ne selo eupša feela leina la kereke. Gomme ke naganne, “A seo ga se se sengwe? Ga go makatše go ne kekišo ye ntši kudu ya Bokriste; ga go selo eupša dikwero.”

⁷⁶ “Nka se ye godimo go moago wola. Aowa, nka se dirišane le selo se sebjalo.” Um-hum. Go hloka Bophelo, ke phetho, e sego go hloka kereke, go hloka Bophelo.

⁷⁷ Ka gona ke rile, ka pelong ya ka, go Modimo, ke rile, “Gobaneng O sa romela phefo gona?” Ka gona monagano wa ka o ile pele go theoga ka Mangwalong, leswiswi kudu go bala Testamente ya ka ye nnyane ka potleng ya ka. Eupša ke rile, “Gobaneng O ka romela phefo?” Gomme monagano wa ka o ile pele go theoga, Mangwalo, eupša o boletše feela ka tlase ga yona, “Ke tla bušetša, go rialo Morena. Tšohle tše phatakalala e di jelego, tšohle tše tsie e di jelego, Ke tla e bušetša.”

⁷⁸ Gomme ka gona go makalo ya ka, ke lebeletše ntle ka go weng ga dikhounne tša mehlare ye le dipeu tša yona tša go fapania, tlase mobung, e sego godimo kudu, gomme e sego bogolo kudu, eupša go be go le mahlogedi a mangwe a etla godimo, mehlare ye meswa e etla godimo. Gomme ge diphefo di tšutla, di no ragaraga, le go

šikinyega, le go taboga, le go roromela, le go ya pele. Ke rile, “Ge yeo e se tsošeletšo ya fešene ya kgale, ga se nke ka ke ka bona e tee. Bao ke bana ba Modimo ba no hlalala le go thanthelwa ka go ditšhegofatšo tša Modimo ge e tšhologela fase.”

⁷⁹ Gabotse, Sengwe se tlide go nna, se rile, “Ke ye metala. Ke ye meswa le botala.” Bokaone ke be yo moswa le yo matala, gomme ke be yo a fetogago le seemo, ke be le bophelo bjo bongwe, go feta go tšofala, le go thatafala, le go hwa, gomme ke se ne selo. Kafao ebile le hlaga, sebakeng sa go se be le mollo le gannyane.

⁸⁰ Gomme ge phefo e tšutla, mehlare yela ye mennyane e ragaragile gomme e no ba le ye kgolo, tsošeletšo ya fešene ya kgale ya Pentecostal. Gomme ke naganne, “Gobaneng O dira seo gona? A e be e ka se tle godimo go no swana ge o be o se na le dikolobetšo tše di wela godimo ga yona le go e šišinya? Gomme e... A ga e no ba mehlare go swana?”

⁸¹ Eupša Sengwe se re go nna ka pelong ya ka, “Ee, eupša nako le nako ge ke di šikinya, ke tlemolla medu gore di kgone go gola go teba.” Yeo ke tsela ye tsošeletšo ye kgolo e diregago ka toropongkgolo.

⁸² Bjale, ditsošeletšo tše mpsha tše tša Pentecostal ke eng? Ga se tšona selo eupša ditšweletšwa go tšwa mohlareng wa kgale. Tlwa moo mehlare ya kgale e hwilego, Modimo o bile le tsela go tšweletšagape bophelo. Go no swana le ge re tšofala le go hwa, Modimo o tsoša yo mongwe gape ka rena go swana le mohlare, peu, goba eng kapa eng gape. Re tšea Beibele ya go swana ba e balago.

⁸³ Go ka reng ge ba bangwe ba lena Mamethodist... dihlong go lena, ke be ke sa no bala tše dingwe tša dinoutse tša John Wesley. Gomme moo, ge a be a le godimo fa le Asbury, gomme o be a namela pere ya gagwe letšatši le lengwe, gomme pere ya wa le go robega leoto la yona. Gomme Wesley o ya fase, gomme o tšea oli ya gagwe go tšwa potleng ya gagwe, gomme o tlotša pere ya gagwe ka oli, gomme o ya godimo ga gagwe, le go e namela.

⁸⁴ Gobaneng le sa kgone go dirišana ka go tsošeletšo ya phodišo? Ge Modimo a ka kgona go fodiša pere, ka nnete A ka kgona go fodiša motho. Molato ke eng? Baswa ba gago, barutiši ba ditlaela ba le pompile go tlala seela sa go omeletša, gomme ke ka baka leo le ka se kgonego go phela. Yeo ke nnete.

⁸⁵ Mabaptist? John Smith o llile gomme o rapeletše tsošeletšo go fihla mahlo a gagwe a tswaletšwe, go fihla mosadimogatša wa gagwe a tla mo hlahlela tafoleng go ja dijо tša gagwe. O be a tla reng go kereke ya rena ya sebjalebjale ya Baptist ge a be a ka tsoga? John Smith o be a tla reng go tsoga le go lebelela godimo ga sehlopha sa bokgethwa? Ge ba... o rerile theroy gagwe ya mafelelo ka bogolo bja mengwaga ye masomeseswai le metšo, ke a dumela e be e le. Ba mo rwaletše phuluphithing, gomme ga se a rera, feela ye kopana: diiri tše nne. Gomme ga le kgone go ema

metsotsi ye masomepedi. Ga go Bophelo go amogela Phefo yeo ke phetho.

⁸⁶ Gomme o rile, “E roba pelo ya ka go bona barwedi ba rena ba Methodist ba apara dipalamonwana tša gauta go menwana ya bona.” O be a tla reng bjale ka para ya dišothi tša kgale tša go ripela di aperwe? Yeo ke therešo. Gomme e ka no go dira o be gabotse le go belekega.

⁸⁷ Ge ke be ke sa le mošemane yo monnyane, re be re se ne bontši go ja, tlase ka dithabeng. Mama o be a fela a hwetša matlalo a nama go tšwa go krosari, gomme a a bea ka go ye kgolo, pane ya borotho bja kgale, le go a apea, goba, go a beša, go hwetša krisi go dira letsebelakwane la lehea. Re bile le dinawa tša mahlomaso le borotho bja lehea. Lena baborwa ga le tsebe se go ja go gobotse go lego.

⁸⁸ Gona ge le tla...ge re tla hwetša seo...Gomme ka gona bošego bjo bongwe le bjo bongwe bja Mokibelo re be re na le pafo ye kgolo ya kgale ya kota, le ketlele ya tee e dutše setofong. Gomme yo mongwe o be a hlapa, o no oketša meetse a mangwe gape, gomme wa go latela a hlapa, go fihla digotlane tšohle di hlapile, gomme morago lerotholodi la kastroli. Gomme ke ile ka no sellega ka selo seo; ke be ke sa kgone le go ema go se dupa, go le bjalo. Ke be nka se nyake yo motee wa bana ba ka go tsoge ba tšea kastroli.

Ke be ke etla go mama, gomme ke be ke swara nko ya ka, gomme ke be ke lla. Ke be ke re, “Mama, selo se se ntira ke sellege kudu.”

O be a tla re, “Eupša ge e sa go dire o sellege, ga e go hole ka selo.”

⁸⁹ Kafao mohlomongwe ke tla šomiša seo go molaetša wo. Mohlomongwe se tla hlola teng, go bolela semoyeng, go hiduega, go le dira go rapela morago go lefelo moo le swanetšego go ba.

⁹⁰ Ee, šetšang tshepedišo ya Lengwalo. “Ke tla tloša pelo ya kgale ya letlapa, gomme Ke tla go fa pelo ye mpsha.” Yeo ke tshepedišo ya mathomo. Ba bangwe ba bona ba ema go tshepedišo yeo ya mathomo. Bjale, yeo ke, o...o no thoma. Morago O rile, “Ke tla go fa moyo wo moswa.”

⁹¹ Fao ke mo bontši bja lena Mapentecostal le palelwago. Hmm. Le swanetše go ba le moyo wo moswa. Oo, o ikwetše gabotse gomme o ikwetše ka mokgwa woo, “Oo, gabotse, ke no, oo, ke ikwela gabotse. Ke—ke—ke tlogela mokgwa wa ka.” Gabotse, o sa tšo thoma. O no ba o lokišetšwa bjale go o hwetša. O no ba o etla ka mothalong. O ile a swanelo go go fa moyo wo moswa. Gobaneng o be ka se kgone go ya mmogo le wenamong ka moyo wa gago wa kgale; kafao o ka kgona bjang go ya mmogo le Moya wa Modimo? Kafao O ile a swanelo go go fa moyo wo moswa.

⁹² Bjale, šetšang Beibele. “Ke tla go fa . . . ka tloša ya kgale, pelo ya leswika, le go go fa pelo ya nama: pelo ye boleta. Gomme ka gona Ke tla go fa moya wo moswa. Gomme ka gona, Ke tla bea Moya wa Ka ka go wena.”

⁹³ Bjale, šetšang. Moya wa Gagwe o be o fapano le moya wa gago wo moswa. Gomme batho ba bantši ba hwetša moya wo moswa le go nagana ba hwetša Moya wo Mokgethwa. Ba ikwela go thaba, le go taboga go dikologa, gomme mohlomongwe ba dira dilo di se kae tša bodumedi. Gomme ba nagana gore ba ne Moya wo Mokgethwa, go le bjalo. Oo, aowa! Moya wo Mokgethwa o go dira o itshware go fapano. Moya wo Mokgethwa o go dira o nagane go fapano. Moya wo Mokgethwa o beilwe thwi ka bogareng bja moya wa gago wo moswa. Gomme moya wa gago wo moswa o beilwe thwi ka bogareng bja pelo ya gago ye mpsha. Pelo ye mpsha, moya wo moswa, bogareng bja pelo ye mpsha, gomme Modimo o rile, “Ke tla bea Moya wa Ka ka go wena.”

⁹⁴ Bjale ka gona, Moya wa Modimo o dutše thwi ka bogareng bja moya wa gago, moya wa gago wo moswa. Gomme ka gona ga wa swanela go ya ntle le go dira boka Mdi. Jones a dira le boka Mna. Jones a dira. Go no ba se sengwe ka go wena; o no ba le lerato la Modimo tlase bjalo ka go wena, go fihla o no le phela. Ga se wena; ke Sengwe ka go wena.

⁹⁵ Batho ba bantši kudu ba leka go bea godimo sefahlego sa Bokriste goba pele ga Bokriste ka Lamorena. Gomme ka Mošupologo le swanetše go bona mohuta wa sefahlego ba nago le sona. Eupša bjale, yeo ke go ekiša, e sego selo ka lefaseng, ka pukung ya ka, eupša baikaketsi. Tlwa.

⁹⁶ Bjalo ka Congressman Upshaw, bjalo ka ge bohole le tseba, o fodišitšwe ka dikopanong tša ka ka morago ga go golofala lebaka la mengwaga ye masometshela tshela, o rile, “O ka se be selo seo o sego sona.”

⁹⁷ Gomme yeo ke nnete. E ba se o lego. Modimo a fe letšatši, leo, ge kereke ya Bokriste e tla ba se e swanetšego go ba sona. Ge o le bakeng sa Kriste, phelela Kriste, neela tšohle tša gago go Kriste. Bula pelo ya gago. O se ke wa nagana ka gore dilo di go dikologile. Nagana ka se Kriste a lego sona go wena le ka go wena.

⁹⁸ Moya wo moswa wola ka go wena, le Moya wo Mokgethwa wa Modimo o dutše bogareng bja moya wo moswa wa gago, go no swana le mokerenko wo mogolo ka go sešupanako sa go tuma. Bjalo ka ge se—se seporeng ka go sešupanako sa go tuma se no thoma go rotla, se dira sephedi se sengwe le se sengwe sa sešupanko go šoma feela gabotse tlwa; ke seporeng se seswa, seporeng segolo.

⁹⁹ Gomme seporeng segolo sa Bokriste ke kolobetšo ya Moya wo Mokgethwa; e sego thutamodimo tsoko ya madirwakemotho, e sego kerekeleina tsoko, eupša ke kolobetšo ya Moya wo

Mokgethwa wo o beago setho se sengwe le se sengwe ka Kerekeng yela se šoma ka lenaneo. Sengwe sa phošo, baena. Nnete.

¹⁰⁰ Feela ge Moya wo Mokgethwa o sepela, O buša Kereke ya Gagwe; go rotla go gongwe le go gongwe go gonniane go no ya tlwa go swana, gomme go rotla feela tlwa mo nakong le Beibele. Go rotla go gongwe le go gongwe thwi go dikologa Beibele; ga go kgathale se mothutamodimo a se bolelago; Beibele e a bolela. E rotla thwi le seo, gobane Ke Moya wo Mokgethwa woo o ngwadilego Beibele, go tla ka gare go rotla Beibele ka bophelong bja gago, feela tlwa ka tsela ye E ngwadilwego. Oo, ke a holofela le bona seo. Le a e bona?

¹⁰¹ E sego ka gobane o ikwela bokaone ka moyo wo moswa, e sego ka gobane o hlwekišitše go nwa le dilo tša gago; seo se lokile, eupša... E sego ka gobane o tabogile, goba o goeleditše, goba o boletše ka maleme, goba o tšoenne kereke, goba e ka ba tsela efe o...selo sa bodumedi o se dirilego, seo ga se ne selo se tee go dira le yona. Jesu Kriste o rile, "Le tla ba tseba ka dikenywa tša bona." Dikenywa tša Moya ke lerato, thabo, go loka, bonolo, kgotlelelo, pelofalo, tumelo, boitshwaro, maboleng ohle a makaone ao lefase le lebeletšego go a bona ka kerekeng ya Bokriste. Ba beile sekoupo sa Beibele ya Modimo go Mabaptist, Mamethodist, Pentecostal, Manazarene, le bohle go dikologa. Ba lebeletše seo.

¹⁰² Paulo o rile, "Le ge nka bolela ka maleme a batho le Barongwa, le ge nka kgona go ya ntle le go fodiša balwetši goba go šuthiša dithaba le go ya pele, gomme ga ke ne lerato go thekga seo, ga ke selo." Moya wo Mokgethwa ka go wena o rotla bophelo bja gago; gona joko e ba bonolo.

"Oo," yo mongwe o re, "Ngwanešu Branham, ge feela nka kgona go phela Bophelo bjola."

"Oo, ga wa swanelo go tshwenyega ka yona, ngwanešu. Ga se wena, golebjalo. Ke Moya wo Mokgethwa ka go wena."

¹⁰³ Paulo o rile, "Ga se... Bophelo bjo bjale ke bo phelago, e sego nna, eupša Kriste o phela ka go nna. Bophelo bjo bjale ke bo phelago..." Elelwang, o kile a ba monna wa bodumedi. Ka kgonthe o be a le; serutegi. Gomme o be a le monna yo a tsebilego Mangwalo ohle. Gomme o dutše ka tlase ga Gamaliele, yo mongwe wa, yo mongwe... barutiši ba go tsebega kudu ba letšatši; mohlomongwe ye nngwe ya diseminari tše kaonekaone tša letšatši. Eupša o rile o ile a swanelo go lebala tšohle a kilego a di tseba go hwetša Kriste, Moya wo Mokgethwa.

¹⁰⁴ Gona o tla re, "Eupša moagišani wa ka o tla re go nna, 'O mopshikologimokgethwa.'" Oo, leina lela la go goboša leo diabolo a le kokotetšego go Kereke ya Modimo.

¹⁰⁵ Ke sesile mawatle a šupa, ka mogau wa Modimo, le go rera go nyakile go kgabola lefase. Gomme ke ka go disoulo tše milione tša bobedi ke di išago go Kriste, ka mogau wa Modimo,

gomme ga se nke ka ke ka bona mopshikologimokgethwa golebjalo. Go mabodumedi ohle a lefase ga se nke ka ke ka bona mopshikologimokgethwa. E no ba leina la go se hlamatsege leo diabolo a le gorametšago go modumedi.

O re, “Modumedi? Ke nna modumedi.”

Gabotse, re tla hwetša. O rile, “Maswao a a tla latela bona ba ba dumelago.” E hlahlofe ka Lentšu.

¹⁰⁶ Bjale, hlokamelang, le ka se kgone go emela tlhomaro. Bjale, theetša, mogwera, o a tseba ga ke mo go go omanya. Ke mo go go rata. Ke mo go go botša therešo. Gomme ke a dumela ke ka baka leo Moya wo Mokgethwa o dumelelago dilo tše go direga ka dikopanong. Yeo ke mpho ye Kgethwa, eupša seo ga se... Seo e no ba bohlatse bja se sengwe.

¹⁰⁷ Theetšang, ke mo go le thuša, e sego go le kwera goba go dira metlae ka lena. Nka se dire seo, le gatee. Eupša o swanetše go ba le bophelo bjo boswa bjo. Gomme lebaka le o hwetšago batho ba ba tlago aletareng gomme o ba bona ka go... Ke tla tsea kereke ya geso, kereke ya Baptist. Ba tla godimo, le go dira boipolelo, gomme morago ba kolobetšwa, gomme le ba bona mo dibekeng di se kae ka go leraga la go swana la kgale.

¹⁰⁸ Billy Graham, o tsebega gabotse, o tsebja lefaseng ka bophara; ditsela tša rena di kgabagantše makga a mantši, mošwamawatle. Feela e se kgale ka Zurich, Switzerland, o feditše ka stediamo ka Mokibelo morago ga sekgalela, ke thoma Lamorena mosong. Mohlolo wa sebjalebjale wa letšatši, monna wa go makatša, Mokriste wa kgonthe, gomme ke rata monna le go mo rapediša, ka gore ga a bonagale go nna go ba moithutamodimo tsoko wa go hlatlagana wa tsebanyane. Gomme, eupša ka kgonthe o no ba go lebanya le go serokaphatla go Lentšu, bokgole bjo a dumeletšwego go rera.

¹⁰⁹ Bjale, ke mo hlokometše ka mošomong wa gagwe, gomme e sego telele go fetile ke bile le moneyetla wa go bolela le yena. Gomme ke be ke le ka kopanong moo ke mo kwelego a dira setatamente se sengwe boka se (E be e le difihlolong, e be e le, ka Louisville, Kentucky, dikgwedi di se kae tša go feta.): Gomme se sengwe ka ga, o rile, “Beibele ke selekane sa Modimo.” Oo, therešo bjang. O rile, “Eupša ke tla ya ka go toropokgolo.” Gomme o rile, “Ga go yo motee ka nageng, a tsebago bokaonana bjo bo itšego go feta ka mo ke dirago, gore ga ke moreri wa maatla.” O rile, “Eupša Modimo o mpileditše go dira mošomo wo, gomme ke leka go o dira bokaonekaone ke tsebago bjang, bakeng sa Modimo.” Semaka; Modimo a ka kgona go tsošetša monna godimo ka mokgwa woo, gomme a dula a kokobetše fao.

¹¹⁰ Eupša o rile, “Eupša ke ya ka gare, gomme, a re, go bile le basokologi *ba bantši kudu*, dikete tše lesome tša basokologi ka go kopano ye ya dibeke tše tshela.” Gomme o rile, “Ke boela morago

mo ngwageng goba ye mebedi, gomme ga ke hwetše tee lesome ya bona.”

¹¹¹ Oo, ke duma bjang nkabe ke nno bolela se sengwe. Eupša monna o šomiša bophelo bja gagwe ntle bakeng sa Modimo. O ratha batho, moo, ba ka se tsogego ba tla go nkwa.

¹¹² Eupša lebaka šele. Ke e hwetše ka kopanong ya ka. Oral Roberts o ba hwetše ka kopanong ya gagwe. Gomme re tla ba hwetše mogohle. Eupša fa ke moo e lego: Ba no ba le maikutlo a go itiriša. Gomme ga se ba ke ba sokologa. Ga se ba ke ka nnete ba ba modumedi, godimo ga motheo wa Lentšu. Ba no dira bja go tonya, boipolelo bjo bofomale, gomme bjoo e ka ba bofelo bja bjona.

Gomme tlhomaro ye nnyane ya pele e tla mmogo gomme o rile, “John, ke eng e ilego le disikara?”

“Gabotse, mmm.”

“Ke kwele o be o le kopanong ya Billy Graham.”

“Gabotse, mosadimogatša, nka se kgone go e kgotlelela gape. Nkhweletše John Ruskins.” Le a e bona? Le a bona?

“Liddy, go diregile eng go meikapo wola? Ke a bona o dumelela moriri wa gago go golela ntle. Ke kwele o be o le tlase go le lengwe la masolo a Branham.”

“Gabotse, ke no se kgone go ba wa tlelapo ye le go phela ka khutšo. Ke tla no bušetša dilo tša ka morago le go tšhatšha sefahlego sa ka.”

¹¹³ Eya pele, go na le mosadi yo motee ka Beibeleng a pentilego sefahlego sa gagwe go kopana le banna, gomme Modimo a mo leša dimpša. Yeo ke nnete. Ge o nyaka go ba nama ya mpša bakeng sa Modimo, eya pele.

¹¹⁴ Eupša bjale motsotso feels. Theetšang, ke nyaka le kwe se sengwe. Go diregile eng? Ga se ba ke ba ya kgole go lekanelo. Ba ka no ba, ba na le kgopoloye mpsha ya Kriste. Eupša lebelelang, ge o hwetše pelo ye mpsha, moyo wo moswa, gomme ka gona Modimo o bea Moya wo Mokgethwa, Moya wa Gagwe thwi ka go moyo wa gago wo moswa, sefapano se lokologana ka mafafa. Ga se sa gohla gape.

¹¹⁵ Ba ka bolela ka wena e ka ba eng ba nyakago. E ka se go tshwenye. Gobaneng, nna, merwalo yeo lefase le e lahlelaggo go wena, gobaneng o bonala o tiile kudu ka Moyeng ge moyo wo moswa wola ka go wena, gomme Moya wo Mokgethwa o theošetša bophelo bja gagwe thwi go dikologa go leba Legodimong le Lentšu la Modimo. Gobaneng, o no ba bjalo ka Simisone. O topa dikeiti tša mphiri tša Gasa, gomme wa di rwalela godimo go thaba ye e itšego e bitšwago Khalibari, gomme wa rapelela motho yoo. Ka nnete. Sefapano se na le diphego godimo ga sona. Se no sepela mmogo ga bonolo.

¹¹⁶ Gomme seo ke lebaka mmutšwetšo wo monnyane o a ba gogola. Ke ka baka leo re tšeago dikete tša maloko ka ngwaga gomme phefo e a ba gogola. Tlhomaro ye nnyane ya mathomo, ga ba kgone go e kgotlelela. Lefelo le lennyane la bothata le a tla, le a gohla, sefapano, ka fao ba se lahlela kgole. Ga se wa be wa se bea mothalong le bjale. Le a bona? Modimo o go lokologanyetša sefapano. “Tšeа joko ya Ka godimo ga gago, gomme o ithute ka Nna. Joko ya Ka e bonolo.” Nnete ke yona.

¹¹⁷ Ge eba o no dirwa ka modirelo wa Modimo. Modirelo wa Gagwe, bjale, ga se go theetša thutamodimo tsoko goba polelo tsoko ya bohlale, eupša go hwetša kolobetšo ya Moya wo Mokgethwa. Ka gona o thoma, modirelo o thoma go go sepediša, e sego wena o o sepediša le go o botša, “Gobaneng tsela še ke naganago e swanetše go ba.”

¹¹⁸ Modimo o rile ye ke tsela ye e swanetšego go ba. Kafao Moya wo Mokgethwa o no sepela thwi ka go Lentšu. Gomme o no sepela thwi go bapa. Go bonolo kudu ge o dira seo. “Ke tla ba fa pelo ye mpsha.”

¹¹⁹ Bjale, jokong gabonolo. Modimo o nyakile go bontšha, go barutiwa le go lefase, maatla a Gagwe. Kafao ge Kriste... A re lebeleleng maatla a Modimo ao a swanetšego go ba ka kerekeng; ao ka Moya o tee bohole re kolobeletšwa ka Mmeleng o tee. Gomme Mmele woo ke Mmele wa Kriste. Go sa kgathale kerekeleina ya gago, ke Mmele wa Kriste ka kolobetšo ya Moya wo Mokgethwa. O dumela seo? Ke tsela e nnoši o ka kgonago go ba.

¹²⁰ Modimo o nyaka go bontšha lefase tsogo ya Kriste. Šole O robetše ka lebitleng. O homotše; mmele wa Gagwe o bošweu bja tšhoko. Gomme mosong wa Paseka re Mo kwa a goelela, “Maatla ohle a filwe ka seatleng sa Ka! Dumelang bohole go theetša!” Gomme re bona kgogedi ya lefase e lahlegelwa ke maatla a yona, bjalo ka ge re bona seetša se etla gare ga maoto a Gagwe le lefase. Gobaneng? Yena ke bogare bja kgogedi ya lefase. Gomme O phagamela godimo, godimo, godimo. Ke maatla a Modimo a Mo phagamiša godimo, go re laetša, gore, se Kereke e tla se dirago letšatši le lengwe, ka gore rena, re hwile, re ka go Kriste, karolo ya Mmele wa Gagwe le bjalo ka ge Modimo a tsošeditše godimo Kriste, O tla tsoša Kereke ya Gagwe. Gomme le na le ka go lena bjale, a le a phelago, maatla a maswa. Oo, go makatša bjang!

Ke nyaka le hlokomele, gape, ka fao Modimo a e dirago. O rile, “Moya wa Ka Ke tla o bea ka moyeng wa gago, moyeng wa gago wo moswa.”

Ke nyaka go le botšiša se sengwe. Re nagana kudu ka mmele wo wa rena. Oo, a selo se segolo o lego sona.

¹²¹ E sego kgale kudu ke be ke eme tlase ka Nashville, Tennessee, ka musiamong. Gomme ke be ke bogetše dilo tše dingwe tša go fapano. Ke rata bokgaboo. Modimo o ka bokgabong. Modimo

o ka mminong. Gomme ke be ke bogetše bokgabo, gomme ka bona banna ba babedi ba baswa ba eme fale, gomme e be e efa phetleko ya boleng bja mmele wa motho bo imela diponto tše lekgolo le masometlhano. Le a tseba gore o tura bokae? Disente tše masomeseswai nne, yeo ke therešo. Gomme bjalo ka ge ke boletše mosong wo, o tla bea kefa ya ditolara tše masomepedi tlhano godimo ga disente tše masomeseswai nne, go o šireletša; minki wa ditolara tše makgolotlhano godimo ga disente tše masomeseswai nne, go o šireletša. Nnete.

¹²² Oo, ge o ka bona segokgo ka sopong ya gago, o tla sola restorante yela le go dula godimo ka Kamoreng ya Kgwebo, gomme o tla e ngwala godimo ka pampiring. Nnete, o šeditše disente tšela tše masomeseswai nne; eupša a nke diabolo a šunyetše e ka ba eng a nyakago go theoga soulo yela ya gago, yeo e turwago mafase a dikete tše lesome.

¹²³ Gomme ge banna ba babedi ba baswa ba ba eme fale, ba lebeletše... O no ba le e ka ba bošweu go lekanelo gofafatša sehlaga sa kgogotshadi, le dilo di se kae, khalesiamo e ka go wena, le go ya pele. Yo mongwe o lebeletše godimo go yo mongwe, gomme o rile, “John, ga re ture bontši kudu a re a dira?”

¹²⁴ Ke naganne ke tla ema, ke beile seatla sa ka go yena. Ke rile, “Eupša lesogana, o na le soulo ka go wena ye e turago mafase a dikete tše lesome, yeo Jesu Kriste a hwilego go e lopolla.” Nnete.

¹²⁵ Ke ile ka makala fa nako ye nngwe ya go feta ka Illinois, ke eya go kgabola lefelo le lennyane, gomme go be go mu—mu musiamo. Ke be ke lebeletše go o kgabola. Ke bone mokgalabje wa lekhilate. O be a no ba le ntikodiko ye nnyane ya moriri. O be a sepela go kgabola lefelo le, a lebeletše go dikologa. Gomme gateetee o eme; mahlo a gagwe a lebeletše godimo gape, gomme o thomile go lla. O llile lebakala dinakwana di se kae. Morago ke mmone a inamiša hlogo ya gagwe le go thoma go neela thapelo. Ke mmogetše lebakana le lennyane, ka nagana, “Ke eng e tšošitšego moisa wa kgale? Gabotse, ke a dumela ke tla hwetša.”

O lebeletše godimo gape, gomme a phumola mahlo a gagwe. O tšofetše, o tšofetše ka kgonthe. Ke rile, “Go bjang, malome?”

O lebeletše godimo, o rile, “Go bjang?”

Ke rile, “Ke nna modiredi wa Ebangedi, gomme ke tla rata go go botšiša potšišo. Ke go bone o rapela. Gobaneng o be o rapela?”

O rile, “Etla mo.” Ke ile godimo le go lebelela. O rile, “Lebelela kua.”

Ke rile, “Ke eng seo? Ke roko.”

¹²⁶ O rile, “Eupša patso yela godimo kua ke madi a Abraham Lincoln.” O rile, “Monna yo mošweu, go sa le leswao go dikologa letheka la ka mo moo lepanta la makgoba le bego le le nako ye

nngwe.” O rile, “Madi ale a tlošitše lepanta lela la lekgoba go tloga go nna. A go ka go dira o thantshelwe?”

¹²⁷ Ge seo se ka dira monna wa lekhahate go thantshelwa ka go tsea lepanta la lekgoba, Madi a Jesu Kriste a swanetše go dira eng go modumedi? Ge o ka kgona go feta para, holo ya go kempola, le dilo tsha lefase, gomme wa tseba gore o lokologile, pelo ya gago e rethetha mothalong le Lentšu la Modimo, o tseba gore letšatši le lengwe o ya Gae. A se ka se dire e ka ba mang go thantshelwe? Ke selo sa go dira o thantshelwe.

¹²⁸ Ke maketše dinako tše dingwe go . . . ge ke eya go kgabola naga borwa. Ke kwele ka ga kanegelo ye ke e boditšwego. Ka matšatšing a ge ba be ba reka makgoba ale, go be go le moreki o tla ya pele le go reka bona banna, feela tlwa boka o reka lefelong la koloi lehono; batho. Gomme o tla reka sehlopha fa, le go reka sehlopha godimo fale. Kafao o tlide ka polasakgolo moo go bego go le makgoba a mantši. Gomme o be a nyaka go reka sehlopha.

¹²⁹ Gomme o hweditše go be go le lesogana le tee fale leo le bego le fapana le banna ba bangwe. Bjale, ba be ba tlogile gae. Ke rerile go bona ka Afrika. Gomme ke tseba mekgwa ya bona le go ya pele. Gomme ge ba . . . Mo—mo Motatšhe o ile godimo, le go ba tsea, le go ba tliša mo, le go ba rekiša bakeng sa makgoba. Gomme ba be ba le kgole go tloga gae; ba be ba swabile. Ba bile le dilo tše dintši, le gae, le baratwa ba bona. Ba be ba ka se tsoge ba ya gae gape. Ba be ba le lekgoba. Ba be ba le ka ntle ga naga ya bona. Gomme ba—ba be ba se ne mafolofolo go šoma goba selo, gomme ba be ba tla tsea difepi le go ba hwipinya. Gomme ba be ba tla goelela, “Goga.”

¹³⁰ Gomme letšatši le lengwe, moreki yo o hlokometše lesogana le lekaone ka sefega sa gagwe ntle, hlogo ya gagwe godimo. O be o se wa swanelo go mo hwiphinya. O be a tsarogile phoka. Nako le nako e ka ba eng e bego e swanetše go dirwa, o e dirile. [Ngwanešu Branham o thwantšha monwana wa gagwe gatee—Mor.]

Gomme moreki wa lekgoba yo o rile, “Ke nyaka go mo reka.”

Gomme mong o rile, “Ga a rekišwe.”

O rile, “Ke eng e mo dirago godimo le go yona?” O rile, “A ke molaodi godimo ga bohole ba bona?”

O rile, “Aowa, o no ba lekgoba.”

O rile, “A o mo fepa bokaonekaone go feta ka mo o dirago ka moka ga bona?”

O rile, “Aowa, ba ja ntle ka legopong le ka moka ga bona.”

¹³¹ “Gona ke eng e mo dirago go fapana kudu godimo bjalo? Boitshwaro bja gagwe bo bonala bo le godimo kudu, boitshwaro bja gagwe.” O rile, “Ke eng e mo dirago go fapana kudu go ba bangwe?”

¹³² O rile, “Ke be ke sa tsebe nnamong, go fihla ke hwetša e se kgale gore tatagwe ke kgoši ya setšhaba. Gomme le ge e le modiiledi ka nageng ye nngwe, o a tseba tatagwe ke kgoši. Gomme o itshwara bjalo le go itshwara bjalo ka morwa wa kgoši.”

¹³³ Mokriste o swanetše go dira eng gona? Re baeti le basetsebje, eupša Tate wa rena ke Kgoši. Re swanetše go dira bjang le go phela ka go lefase le la bjale? E sego go swana le lefase le, e sego go gapagapša, le go saena thekethe re tla tla kerekeng, gomme—gomme re tla leka bokaonekaone bja rena go dira se, gomme re tla ya go kopano ya thapelo ya go latela.

¹³⁴ Ngwanešu, kgaetšedi, re swanetše go itshwara renabeng boka barwa le barwedi ba Modimo. Ga ra swanela go boela morago ge diabolo a leka go gogobiša Lentšu la Modimo. Leo ke Lentšu la Tate wa rena. A re emeng hleng le Lona go fihla re ehwa. Ee, mohlomphegi. Itshware wenamong.

¹³⁵ Le ge re le ka lefaseng le šele, mohlomongwe ka nageng ye šele, o ka no ba ka lefaseng le šele leo le lego kgole, mo—mo modiiledi. Eupša ga go dire phapano gore o bokgole bjo bokae, o bothateng bjo bokae, Modimo e sa le Tatago. Haleluya! O tšwa kae?

¹³⁶ Moragorago mošola mathomong ge Modimo a rometše Logos, e bego e le Morwa wa Modimo go tšwa sehubeng sa Tate, O thomile go alamela godimo ga lefase, Beibele e boletše.

¹³⁷ Ke eng lentšu go *alamela*? Le ra go reng? Go swana le “go ba mme,” go swana le kgogotshadi, mantsuana a gagwe a bitšwa matswiana a gagwe, bana ba gagwe. Gomme Moya wo Mokgethwa, bjalo ka ge o bile, ka matsogo a Gagwe, goba, diphego tša Gagwe di alamela godimo ga lefase la lesehla, moo go sego gwa ke gwa ba bophelo. Gomme ge A thoma go alamela, meetse a thoma go arogana, gomme naga ya tla godimo. Mmele wa gago o be o robetše mo lefaseng nako yeo. O dirilwe go tšwa go dielemente tše lesometshela tša lefase le. Mmele wa gago o be o le fa nako yeo. Hlokamelang, ge o be o se, o tšwa kae? O phela ka selo sa go hwa.

¹³⁸ Ge o eja nama ya kgomo, kgomo e hwile. Ge o eja borotho, korong e hwile. O ka phela feela ka selo sa go hwa. Bjale, ke botšišitše ngaka se e se kgale, ke rile, “Ngaka, a ke therešo gore ge ke eja, ke mpshafatša bophelo bja ka?”

O rile, “Yeo ke therešo.”

¹³⁹ Ke rile, “Gona, Ngaka, gobaneng e le ge ke be ke le bogolo bja mengwaga ye lesometshela, ke ja dijo tša go swana ke di jago bjale, ke be ke eba yo mogolvane le go tia, ge bophelo bja ka bo mpshafaditšwe, gomme ke ja dijo tša go swana bjale, gomme ke a tšofala le go fokola le go šošobana? Netefatša ka sesaense go nna, ka, šo motomo gomme še jeke ya meetse, gomme o tšhela meetse ka go yona, gomme e tlala go fihla go lefelo le le itšego,

ka gona, bontši ge o tšhela, a ya kgole tlase. Go na le karabo e tee feela: Modimo o beetše.” Lehu le tsena ge o le e ka ba masomepedi pedi go ya go masomepedi tlhano a mengwaga bogolo, moriri wo mopududu o thoma go tla, mašošo sefahlegong. Gomme o ja dijо tša go swana, go mpshafatša bophelo bja gago, eupša o a hwa. Modimo o beetše.

¹⁴⁰ Theetšang bjale, go tswaleleng, boka go bolela se bjale ka šedi ya lena ya go gagamala. Oo, ge le ka no e kwešiša. Hlokamelang, fale le be le robetše lefaseng mathomong. Gomme ngaka ye ke bego ke bolela le yona e be e le moganamodimo. O be a dira metlae ka phodišo Kgethwa. Gomme ke rile, “Ngaka, ke nyaka go go botšiša se sengwe.”

“Oo, tswalo ya gago ya kgarebe le dilo tšohle tša gago,” o boletše.

Ke rile, “Ngaka, ema feela nakwana. Ge se sengwe se swanetše go hwela mmele wa ka wa go hwa go phela, Ngaka, a go na le se sengwe ka go nna sa semoya?”

“Ee.”

¹⁴¹ “Go swanetše go ba soulo ka fale yeo e mphago tsebo go tseba nnete le phošo le dilo. Gona ge se sengwe se swanetše go hwa gore mmele wo o kgone go phela, kafao, Sengwe se swanetše go hwa gore soulo ya ka e kgone go phela.” Gomme ke ile ka mo lebelela. O ile a lebelela morago go nna, a kgothula hlogo ya gagwe, gomme a sepela a tloga.

¹⁴² Ka gona ge Moya wo Mokgethwa o thoma go alamela godimo ga lefase, šetšang, a re tšeeng seswantšho se sennyane. Ke lesehla; ga go selo. Setšang go diregile eng. Ge A thoma go alamela, ke kgona go hlokamelal monola wo monnyane o etla godimo, gomme go dikologa fale o phuthetše tše dingwe tša divitamine le dielemente tše di yago ka go letšoba. Gomme letšoba le lennyane la Paseka le tlide godimo. Ke eng e le dirilego? Tsebo? Aowa, go alamela ga Moya wo Mokgethwa.

¹⁴³ Morago godimo go tla bjang; godimo go tla dimela. Moya wo Mokgethwa o tšwetšepele o alamela. Tate o rile, “Seo se a makatša.” Morago go tla mehlare ya dikenhya. Morago go tšwa go seo dinonyana di fofile go tšwa leroleng. Moya wo Mokgethwa o tšwetšepele o alamela, o kuruetsha, o dira lerato, o alamela go tloga lefaseng. Go tšwa fao go tla bophelo bja phoofolo. Ka gona morago ga lebakana gwa tla motho. Moya wo Mokgethwa o alamela go tšwa lefaseng, o alamela godimo ga lefase, O tlišitše motho mmogo, go tloga fao, setšwa go-sengwe, O dirile mosadi.

Gomme bona baratani, ge ba be ba sepela ka serapeng sa Edene mmogo, ke kgona go kwa Efa a re, “Oo, phefo e a šiiša.”

¹⁴⁴ Ke mo kwa a re, “Khutšo, homola.” Gomme phefo ya ema. Gomme ke kgona go mo kwa a re, “Moratiwa . . .” ge a beile hlogo ya gagwe ye nnyane godimo ga magetla a gagwe, gomme ge ba

sepetše tikologong, go se tsoge ba babja. O be a se a swanela go ba le Max Factor go mo dira a bogege botse. O be a swanetše go ba ka tsela yeo go ya go ile. Gomme ka matsogo a gagwe go dikologa letsogo le legolo la Adama, ba sepetše bjalo ka baratani go kgabola serapa. Gomme ka morago ga lebakana, Leo, tau, e rorile. Go be go se poifo. O rile, "Etla mo, Leo." Gomme a mo fogohletša ka morago. Tšhita, nkwe e tlide; a mo fogohletša. Gomme tša latela go bapa ka morago ga bona boka dikatsana tše nnyane.

¹⁴⁵ Gomme letšatši la thoma go dikela ga letšatši la pele, goba, letšatši la boselela, ke ra gore. Gomme ge le thoma go dikela, Adama o re, "Moratiwa, re swanetše go ya kerekeng bošegong bjo. Re swanetše go ya godimo go khatheterale." Gomme ge ba ile go mehlare ye megolo gomme ba khunama fase, Logos yela ye boleta ya go benya, Modimo, o theogetše tlase go kgabola mehlare.

¹⁴⁶ Ekwang Segalontšu sa Gagwe se bonanana sa Tate se re, "Bana, a le ipshinne ka go dula ga lena lefaseng lehono?" Gomme O ba atla lerameng, bjalo ka ge go bile, le go ba robatša fase go robala. Tau, O e beile fase, gomme Tšhita nkwe; go se tshenyo, go se kotsi.

¹⁴⁷ A o ka se rate go dira seo gape? Eupša a go a kgonega? Ee, ka kgonthé. Gomme ge Moya wo Mokgethwa o alamela mmele wa gago go tloga mobung, ntle le ge o na le kgopolo ye e itšego ya se o bego o eya go ba sona, goba tsebo ye nngwe le ye nngwe ya go tla ga gago, gomme o ka kcona go go tliša godimo fao o logo, gomme wa go fa kgetho, ke bontši gakaakang go tla tšeago Moya wo Mokgethwa go go alamela go tšwa mobung, ga go kgathale ge mmele wa gago o šwalantše go diphefo tše nne tša lefase?

¹⁴⁸ Ke eng e go tlišitše, le go thoma? Wena o lerole; sebe se swietšwe ka gare, gomme re swanetše go tloga, re sa le... Modimo a ka se tsoge a fentšwe. O letile lefase le go dulwa, kafao O nno dira basadi go tliša bana. O sa tšollela khalesiam, le phothaše, le di—di dielemente ka go bona, le go ba aga. Ka gona O ba tliša lefelong le go go dumelela go dira kgetho.

¹⁴⁹ Gomme ge, ntle le kgetho, Modimo o ntirile letšatši le lengwe lesogana, la go tia, le go phelega, le go thaba, gomme Moya wo Mokgethwa (E sego ya go tonya, ya go itlhophha thutabomodimo—thutabomodimo ya thutotaelo ya seminar, eupša Moya wo Mokgethwa wa go šegofala; e sego mohlare wa tsebo, eupša Moya wo Mokgethwa, le a bona, ke lenaneo la Modimo.) wa thoma go kekeretša godimo ga ka le go dira lerato go nna, gomme ke Mo amogetše, gomme morago O tlide fase ka pelong ya ka le go tšeа lefelo la Gagwe, ke na le netefatšo ye kaakang gore O tla ntsoša mo matšatšing a mafelelo?

¹⁵⁰ Gobaneng, O tshepišitše, O—O enne go yona. Gomme bohlatse bja yona ka pelong ya ka gonabjale, le ka pelong

ya gago, gore O tla re tsoša mo matšatšing a mafelelo. Kafao botšofadi goba e ka ba eng gape bo tshwenya eng? Ga go selo. Modimo o file tshepišo. Moya wo Mokgethwa o buša kereke. Moya wo Mokgethwa o go tlisitše fa. Selo ka moka se phuthetšwe ka go Moya wo Mokgethwa.

Bjale, ge Moya wo Mokgethwa o go kuruetša, le go re, “Modiradibe, o mpho ya lerato la Modimo, ke nyaka go dira lerato go wena,” a o ka se e dire?

¹⁵¹ Gobaneng o sa no bula pelo ya gago le go re, “Ee, Moya wo Mokgethwa, ke nna yo. Ke nna yo. Oo, ga ke kgathale se e ka ba mang a se bolelago. Moya wo Mokgethwa, ke a Go nyaka. Ke a Go nyaka. Ke Wena yo Ke mo lebeletšego. Ke wena Yena”?

¹⁵² Ka gona ge moya wa ditšhila o etšwa go motho, diabolo, gomme o boela go leemo la gagwe la kgale moo a bego a fela a go dira o nwe, le go tšwelapele, le go šonya, le go belaela, le go baka, le go kgorometšana ka Beibele, ge a bowa morago go mokgoba wa gagwe wa kgale gape, le a tseba go direga eng? Modimo o rometše kantakanta ya Gagwe ye kgolo tlase go tšwa Legodimong gomme O hlwekišitše mokgoba wa kgale. Ee, mohlomphegi, mokhukhlu wa kgale wa go tlengwa o sepetsé; dikotikoti di ile; thogorogo e ile. Yohle e kgoromeleeditšwe ntle ka go Lewatle la Bolebadi, gomme O le ageleeditše.

¹⁵³ Gomme O agile le legolo, la sebjalebjale, legae le leswa. Gomme O be a alamela kua, gomme dilili tše botse di tlie godimo ka jarateng tikologong mo. Bjang bjo bobotse bo a gola, gomme tselalephefo ya makgethe e kitima go le kgabola. Eng? Gobile le motho yo moswa a sepelelago ka gare, e sego moisa wa kgale yo a kilego a robala kua yo a go dirile gore o kgakgane, o rogan, o swara moagišani wa gago gampe, o ba wa kerekeleina, monagano wo mosesane, mogonomi, moganamodimo, ka bodumedi bjo bonnyane bja go phaphašwa go go dira o sellege. Eupša O go hlwekišitše, Moya wo Mokgethwa kua le go alamela. Bjalo ka ge Moya wo Mokgethwa o alamela, O tla tliša pele lerato, thabo, khutšo, pelofalo, bobotse, boleta, kgotlelelo. O tla kgabiša ntlo ya Gagwe gabotse. Nnete, O tla ntšhetša mokgoba wola wa kgale wa katikoti go tšwa go wa gago... fao, wo o dirago dipelaelo tša gago tša kgale le dikgakgano le go ya pele. O tla bea tselalephefo go kgabola kua, gore dilo tšohle di sepele ka thelelo go wena. Amene.

¹⁵⁴ Oo, baena, se re se hlokago lehono ga se ratoropo yo moswa wa toropokgolo, ga se maphodisa a maswa go maatla, ga se kerekeleina ye mpsha, ga se go potolla kereke, eupša re hloka ya fešene ya kgale, tsošeletšo ya Mokgethwa Paulo le Moya wo Mokgethwa wa Beibele morago ka kerekeng gape: Mamethodist, Mabaptist, Pentecostal, le lena bohole. Ke tlwa. Se re se hlokago lehono, yo mongwe ka boitemogelo bjo go ba mohlohli, yo mongwe yo a tsebago Modimo go ema ntle.

¹⁵⁵ Fa e se kgale kudu ge ke be ke le ka Switzerland . . . Theetšang kgauswi, ge re tswalela. Ke ba bakae, gomme bontši lena bohle banna ba mengwaga ya ka, basadi, le badile kanegelo ya go tuma ya Arnold von Winkelried? Ba bantši ba lena le a mo elelwa, mogale yo mogolo wa Maswiss. Oo, dikanegelo tšela di lebalwa gabonolo magareng ga batho. Bogale bja gagwe ga se bja ke bja tsoge bja fetwa gomme ga se gantsi go bapetšwa le bjona.

¹⁵⁶ Letšatši le lengwe ge Maswiss ba sepeletše ntle le go tšea magae a bona a mannyane le dilo ka dithabeng tša Maswiss, gomme Bakriste ba go rapela, gomme ge ba bile le magae a bona a mannyane le se sengwe le se sengwe go ratega, madira a magolo a go šwahlala a tla a matšhetša ka gare. Maswiss ba kgobokane patogeng ya dithaba ka megoma ya kgale, goba dihuku, dihuku tša go thenela le eng kapa eng ba kgonnego go lwa ka yona. Ba be ba se banna ba ntwa. Ba nno kgobokana ka dikota, le matlapa, le e ka ba eng ba ka kgonago go lwa go šireletša naga ya bona.

¹⁵⁷ Eupša masea a bona le bomme, moo masole ale a ttilego ka gare le go bolaya masea a bona, le go kata basadi mo mekgotheng, le eng gape, le go kgeila magae a bona le go tšea maphelo a bona. Gomme mo go tla madira a magolo, a hlamilwe ka botlalo, a hlahlilwe gabotse: go sepela, go sepela, go sepela, marumo a matelele, ba hlahlilwe gabotse, boka leboto la ditena, ba tla ba matšhetša ka Switzerland ye nnyane.

¹⁵⁸ Oo, go bonagetše leswiswi kudu. Gomme madira a mannyane a Maswiss, a katakatela godimo ka khoneng ye nnyane ka patogeng ya thaba, ba be ba fentšwe ka go felela. Ba lebeletše ka tsela ye le ka tsela yela, gomme feela, oo, ba fetwa ka palo ka dikete. Gomme didirišwa ba bego ba swanetše go lwa ka tšona, dibetša tša bona, e be e se selo go bapetša le ale a magolo, marumo a matelele. Tshireletšo ya bona e be e se selo, feela difega tša bona tša go se rwale go ba pealatšo ya marumo ao a bego a kitimela ka go wona, ge ba bangwe ba be ba apešitšwe gabotse ka dikotse.

¹⁵⁹ Ba be ba se ba hlahliwa; ba be ba se ba hlahliwa, ge sešole se sengwe se be se hlahlilwe, gomme kgato ye nngwe le ye nngwe e no swana. Pele, pele, pele e a tla. Mafelelong, se sengwe se swanetše go dirwa. Ekonomi ya bona ye nnyane ya setšhaba sa Maswiss e be e batametše; se sengwe le se sengwe se be se le kotsing.

¹⁶⁰ Mafelelong, lesogana ka leina la Arnold von Winkelried o gatetše ntle, gomme o rile, “Banna ba Switzerland, letšatši le ke tla neela bophelo bja ka bakeng sa Switzerland.” O rile, “Se sengwe se swanetše go dirwa, gomme ke tla se dira.” O rile, “Go kgabaganya mošola wa thaba go ne legae le lennyane le lešweu, moo yo mobose, mosadimogatša wa go rata le bana ba bararo ba bannyane ba letilego go bowa ga ka; eupša ba ka se tsoge ba

mpone gape, gobane letšatši le ke tla neela bophelo bja ka bakeng sa Switzerland.”

Gomme banna bohole ba be ba lebeletše ka go makala, gomme ba rile, “Arnold von Winkelried, o tla direla Switzerland eng”?

O rile, “E no ntatelang. Ntateleng, gomme lwang ka se le nago naso, bokaonekaone bjo le ka kgonago.”

¹⁶¹ Gomme o lahletše fase se a bilego le sona. Gomme o fošeditše matsogo a gagwe godimo go leba leratadimeng, gomme a goeletša ka godimo ga segalontšu sa gagwe, gomme o rile, “Direlang tokologo tsela! Direlang tokologo tsela!” Gomme ge a kitima go leba sesole sa Swiss, o lebeletše go hwetša moo marumo a makotokoto a bego a le gona, gomme a kitimela thwi ka lefelong leo ka diatla tša gagwe godimo. Gomme lekgolo la marumo a bogale a ile a itlhahla ka bowona go mo topela godimo. Gomme ge a fihla kua o ile a topa go tlala letsogo gohle ga wona, gomme a a lahlela ka sefegeng sa gagwe, gomme a wa a hwile. Ke, pealatšo ye bjalo ya bogale e rakeletše madira ale. Ba be ba sa tsebe se ba ka se dirago; go lekane le Dafida le Goliate.

¹⁶² Gomme masole ale a Maswiss ba bone se se diregilego, gomme ba kitimela ka gare, gomme ka megoma ya bona le dihuku tša bona tša go thenela le maswika a bona, ba raketše madira ale ka go felela ka ntle ga setšhaba. Gomme ba bile le khutšo ge e sa le. Go bile le go se be dintwa ka Switzerland. E no bolela Arnold von Winkelried ka dithabeng gomme o bogele marama a fetoga mmala godimo gomme megokgo e kitimela fase. Ba tseba se naga ya bona ya khutšo, se e se bitšago; papalo ye bjalo ya bogale.

¹⁶³ Eupša oo, seo e be e le selo se sennyane kudu, go, letšatši le lengwe se sengwe gape se diregile.

¹⁶⁴ Ge morafe wa Adama, bana ba Adama, bohole ba be ba rakeletše sekhutlong, lehu le bolwetši godimo ga seatla se sengwe le se sengwe, sebe se kgobokane ka gare; molao o paletšwe; baprofeta ba paletšwe; se sengwe le se sengwe se paletšwe; ba be ba ganne, gomme ba be ba le ka lerageng le le bjalo. Malwetši le go hloka tsebo, le go ya pele, a be a no ba wešeditše ka lefelong go fihla fao go se sa na le dikholofelo di šetšego. Gomme fale go eme moloko wa Adama o thothomela, o roromela. Ga se gona se bego se ka dirwa; hele e be e bula sehuba sa yona go ba metša. Gomme ka Letagong, Yo mongwe o gatetše ntle, Morwa wa Modimo: “Ke tla ya tlase, Tate. Ke tla ba yo mongwe wa bona. Ke tla ya tlase.”

“O tla dira eng?” go boletše Barongwa.

“Šetšang.”

¹⁶⁵ Letšatši le lengwe, a eme mošola magareng ga barwa ba batho, O lebeletše fase ka letšhogo le legologolo leo motho a bilego le lona, e bego e le lehu, gomme ge A phagamišitše matsogo

a Gagwe le go ya lefelong le le bitšwago Khalibari, O iphošeditše ka Boyena ka go kgudi ya leswiswiswiyeo motho a kilego a e boifa, e bego e le lehu, gomme a le fonya. Gomme ge A rotogetše Godimo, ga se nke A romela pego ya tumelo ya thutamodimo; O rometše morago Moya wo Mokgethwa, gomme o rile, “Tšeang Se, gomme le lwe ka se sengwe le se sengwe le nago naso ka gare ga lena. Tšeang Se, gomme le Ntatele. Bjalo ka ge Tate a Nthomile, kafao Ke roma lena.” Gomme Tate yo a Mo romilego, o ile le Yena, gomme o ile ka go Yena. Gomme ge A re romile, O tlide le renatka go renatka.

¹⁶⁶ Banna le basadi, se re se hlokago lehono ga se maina a renatka godimo ga puku ya kereke, seo se lokile ka go phethagala, eupša re hloka go topa Sebetša se maatla sela sa Moya wo Mokgethwa ka pelong ya renatka, se se fetolago borena bja ka garegare, le go re dira dibopiwa tše mpsha ka go Kriste Jesu, le go swiela tsela go kgabola lefase la sebe ka toko le maatla a tsogo ya Jesu Kriste.

¹⁶⁷ Seo ke se re se hlokago. Seo ke se kereke e se hlokago, e sego go kaonafatša goba sehlopha sa maloko a maswa, eupša go tsošeletša seo re nago naso, le go tlatša ka Moya wo Mokgethwa, le go dula ntle go lwa le lenaba, go rapelela balwetši, go fodiša balwetši, go lelekela bodiabolo ntle. “Le amogela feela, efang feela. Maswao a a tla latela bona ba ba dumelago.” Kriste o beile ka seatleng sa motho sebetša sa go tia kudu seo se kilego sa bewa go batho, e be e le kolobetšo ya Moya wo Mokgethwa: pelo ye mpsha, moya wo moswa, “gomme Ke tla bea Moya wa Ka ka kua.” Gomme ka gona le lwe ka se se lego ka go lena go fihila lehu le tla le lokolla.

A re rapeleng.

¹⁶⁸ Ka dihlogo tše renatka di inamišitšwe, pele re dira go sepela go go itšego kgojana, ke makala se: banna le basadi, a le a lemoga gore go ne Selo se tee feela se ka kgonago go le fa Bophelo, gomme seo ke Moya wo Mokgethwa? A le a lemoga Ke Yena yoo a alamelago godimo ga lena?

¹⁶⁹ Ge lesea le lennyane lela le tšerwe, gomme o le tšeetše ntle go ya lebitleng, o phaphathile marameng a lona a mannyane, gomme o rile, “Moratiwa, mama o tla kopana le wena, papa o tla kopana le wena.” E be e le eng? E be e le Moya wo Mokgethwa o alamelala.

¹⁷⁰ Ge letšatši ka letšatši, ge o khunama fase go bolela thapelo ye nnyane yela pele o eya malaong, gomme Sengwe se a go botša go ne se sengwe sa phošo gohle, O a pelofala, ga a rate gore e ka ba mang a lahlege. A le a lemoga ke go alamelala ga Moya wo Mokgethwa?

¹⁷¹ A le re, “Ngwaga wo o latelago ke tla leka go dira bokaonana; nako ye e latelago ba na le tsošeletšo ye ke tla yago aletareng; mohlomongwe ge ke hwetša sebaka gomme mošomo wa ka o dirilwe, ke tla ba le nako ye nnyane go rapela”? Oo, a le dira

seo? Moya wo Mokgethwa o a alamela. Ga ke le tsebe; Modimo o a dira.

¹⁷² Eupša ke nyaka le phagamiše diatla tša lena go Kriste gonabjale gomme le re, ka go phagamiša diatla tša lena, “O Kriste, bjale ke a tseba gore Moya wo Mokgethwa wa Gago o alamela godimo ga ka go mpiletša go tirelo ya Gago.” Oo, o ka no se be moreri goba moromiwa. O ka no ba moleloko wa kereke ka kerekeng ya gago. Eupša Moya wo Mokgethwa o a go bitša. O nyaka o be le bopaki bakeng sa kereke yeo. A o ka phagamišetša seatla sa gago go Yena feela bjale, bjalo ka leswao la go re, “Modimo, ke nna; ke a araba bjale”?

Modimo a le šegofatše. Oo, nna. Godimo ka maphagamong, godimo se se lego ka kua. Modimo a le šegofatše morago ka kua. Oo, seo ke se sebotse.

¹⁷³ O Tate wa Legodimong, kopano e tee gape, gomme tsošeletšo ye nnyane e tla tswalelwā, bokgole bjo re nago le tsebo ya yona. Gomme ge re ema, bošego ka morago ga bošego, le go bona Moya wo Mokgethwa o alamela, o tloša ditlaišego go batho, go utolla diphiri tša dipelo tša bona, go laetša ye megolo, mešomo ye maatla le leswao, re a lemoga re bofelong bja tsela.

¹⁷⁴ O rile, “Bjalo ka ge go bile matšatšing a Noage . . .” Lefase le be le fetogile la mekheniki, go aga dintlo, tshipi, tshipi, le go ya pele, gomme ka gona, ka moka ka pela, go tšwa go lela la go tonya, la bodumedi, la go itlhophya lefase moprefeta o ile a tsoga, Morongwa o tšweletše, maswao a thoma go direga, gomme lefase la senywa.

¹⁷⁵ Go tšwa ka Egepeta mengwaga ye makgolo moragogago, ge kereke e be e fodile le ditirelo tša bona tša bodumedi di be di ile tša tonya kudu le fomale le go fapanā, e be e no ba kgaušwi le nako go ya gae: Morongwa o tšweletše; moprefeta o tswetšwe; molaetsa o filwe; maswao le matete a dirilwe; kagodimogatlhago gwa tla go beng gona, ba ba bego ba hwile magareng ga bona lebaka la mengwaga, gomme ba be ba e gana; ba be ba le bofelong bja tsela.

¹⁷⁶ Gomme feela ge ba fodile gape, feela pele ga go Tla ga Morena Jesu: Morongwa o tšweletše; moprefeta o tswetšwe; sa kagodimogatlhago se dirilwe; gomme Morwa wa Modimo o tlie ka lefaseng.

¹⁷⁷ Gomme Tate, go fodile bjale lebaka la mengwaga ye yohle. Gomme ke rena ba magahlanong gape: la go tonya, lefase le le fomale le dipaki tša bona tša bokereki, ditirelo tše fomale, go tšoena kereke ga bona, gomme ba no ba go thatata, ba kgona go bona ka mahlo a bona beng gore sa kagodimogatlhago se a dirwa; Barongwa ba a tšwelela; molaetsa o ile pele; mediro ya Modimo e bonagaditšwe. O Modimo, šikinya pelo ye nngwe le ye nngwe.

¹⁷⁸ Gomme ka moagong wo monnyane wo, morago ga sekgalela se, moo feela ba sego nene ba rena ba kgobokanego mmogo, go

bile ditasene tša diatla tšeо di phagamišitšwego. Ba nyaka Lebili le ka bogareng bja lebili. Ba nyaka Moya wa Gago ka bophelong bja bona go ba buša, le go ba dira dibopiwa tše mpsha, le go ba laola, le go ba fa—bona bophelo bja Bokriste le go phela ka gare ga bona.

¹⁷⁹ Gomme ke a rapela, Tate wa Legodimong, ka pelo ya ka yohle, gore O tla romela kolobetšo ya Moya wo Mokgethw a gonabjale. A nke e tšwe Letagong bjalo ka phefo ye e kitimago gomme e dule godimo ga pelo ye nngwe le ye nngwe. Gomme a nke moy a wa phiri wa kgale o ba tlogel e gomme a nke wo bonolo, Moya wa go homola wa Kwana o tle, gomme Leeba la khutšo le tla dula godimo ga Kwana yela bjalo ka ge le dirile ka Jorodane letšatši lela. Ka gore ke dibopša tše pedi di nnoši tšeо di kgonago go tla mmogo. Gomme re a lemoga, wa kgale, wa go lwa, moy a wo sehlogo wa lefase: Moya wo Mokgethw a o ka se tsoge wa dula lefelong boka leo. O no—o no tšea mofofo wa Gagwe gomme a tloga. Gomme re a tseba seo e ka be e le selo sa go swana, ge Kwana yela e ka be ya dira bjalo ka phiri. Eupša e swanetše go ba Kwana.

¹⁸⁰ O Modimo, lehono, ka go Sephedi sa Gago Mong sa go hlola, a nke Moya wo Mokgethw a o alamele, feela bjale, go diatla tšela tšeо di ilego godimo le tše dingwe nt le tšona, di tla fetola tlhago ya tšona go ba kwana, moy a wo moswa, pelo ye mpsha; gomme a nke Leeba le tle gomme le dule godimo ga pelo tša bona, le ba hlahle, gomme le ba fe Bophelo bjo bosafelego. Tšhegofatšo ye ke a e kgopela, bakeng sa kereke ye nnyane ye le batho ba, Leineng la Morwa moratagi wa Gago, Morena Jesu. Amene.

¹⁸¹ A le a Mo rata? Le no ikwela o ka re le no gohlwilwe? Ke le swareletše feela bottelele gannyane. Masometharo a nne; gomme ke a thank a ba tla be ba efa dikarata tša thapelo e ka ba ka masometharo a tshela, se sengwe boka seo, tshela goba masometharo a tshela.

¹⁸² Bjale, ke nyaka le dire se, lena bao le phagamišitšego diatla tša lena le lena bao le swanetšego go be le dirile. Ga ke le botše go fetola dikereke tša lena. Aowa, mohlomphegi, aowa. O no ya go Kriste le go Mo phelela ka pelo ya gago yohle.

¹⁸³ Eya, botša modiša wa gago, ge Moya wo Mokgethw a o sa tšo go tlatša, gomme o no re, “Modiša, ke ya go ba moleloko wa go fapan a go tloga go se ke bilego. Bophelo bja ka bo ya go huma le segoši, gobane ka go nna go dula Moya wo Mokgethw a.” Oo, o tla e thabela bjang. Gomme mohlomongwe o ka mo hlahlela go boitemogelo bja go swana, ge a se a be a ba le bjona. Ke mang a tsebago? Seo ke se re se nyakago.

Morena a le šegofatše. Gomme le batheeletši ba go ratega go bolela le bona. Gomme ke a rapela gore yo mongwe le yo mongwe wa lena o tla tlatšwa ka Moya wo Mokgethw a wa Modimo.

Ke ba bakae ba dumelago se ke se boletšego go ba therešo, gore seo ke tlhoko ya kereke? Ke a le leboga. Gomme a nke Morena a le šegofatše.

¹⁸⁴ Bjale, ke ya go kgopela modiša, Ngwanešu Vayle, ge a ka tla mo gomme a fetša tirelo, ge ke eya go rapela le go lokišetša tirelo ya phodišo bošegong bjo. Modimo a go šegofatše, Ngk. Vayle.

[Ngwanešu Vayle o bolela le Ngwanešu Branham—Mor.] (Ya, ke a thanka, pele ga ditirelo tša phodišo. Ke a dira.)

¹⁸⁵ Ngwanešu Vayle o be a botšiša, ba nyakile dinepe tsoko. Tšona dinepe di ka tšewa nako efe kapa efe, feela, go fihla tšhušumetšo e ratha bakeng sa pono, gobane Seetša seo ke se lebeletšego, Ke—Ke Seetša.

¹⁸⁶ Ke ba bakae ba tsebago gore Jesu Kriste ke Seetša bjale? Nnete, mang kapa mang a tsebago Beibebe, o tseba seo. Nnete. O be a le... Nako efe kapa efe ge ke sa rera goba go ya pele bošegong bjo, go tla loka ka go phethagala. Morena a le šegofatše ka bobotse bjhohle bja Legodimo, ke thapelo ya ka.



KEKIŠO YA BOKRISTE NST57-0127A
(The Impersonation Of Christianity)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena morago ga sekgalela, Janaware 27, 1957, ka Memorial Hall ka Lima, Ohio, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org